

ICIFULO CAKWA LESA

ICAPELWA ICAKUPEPELAPO



Natukontamike imitwe yesu pakashita akanonofye.

Mwebatemwikwa Taata wamu Myuulu, ifwe icine cine tulemona ici ukuba inshita iisuma iyakuba pano ileelo muli uno umusumba wa Los Angeles, kabili pakati ka aba, abacetekela abo... Abasalwa abaitwa ukufuma mwisonde abana abapatulwa abakwa Lesa, muli ino inshita iikalamba iyo tuleikalamo, pesamba lyauku ukwenekela ukukalamba ukwa kumoneka ukwa Mutemwikwa wesu, Shikulu Yesu, pa nshita iili yonse. Tuletotela Imwe pali ici mu mitima yesu, ukutila twalicutekela ukutila Ali nokwisa mu mitima yesu. Tulelolesha pali Ena ileelo. Nga cakutila Tali pano ileelo, kabili ifwe tukaba pano mailo, tukalalolesha pali Ena mailo.

² Mwebatemwikwa Lesa, twapepa ukutila uku ukulongana kwalabafye u—ukulongana kwaibela. Lekeni cibe ni nshita iyakutila cena calapanga i—icalembwa icakuya kuntanshi kwa Chalichi, ico icili nokuba muma Buuku Yenu mu Muyayaya. Paleni ukubomba konse ukwanaka uko tulecita, Taata. Natwiluka ukutila ifwe tuli bakafilwa abapwililika ukwabula Imwe, eico ekutila tufwile twakwata Imwe, Shikulu, nga cakutila ifwe kuti twatwalilila. Kabili tatulefwaya ici pabukata bwesu bwine. Tulefwaya ici kubukata Bwenu. Pantu ico ekukabila kwa mitima yesu, kwakumona Yesu akatamikwa ku bantu Bakwe. Ukukoselesha icicetekelo cabo, Shikulu, muli buno ubushiku lintu ubulwi nabukosa nganshi, natwisa muli uku ukupuputulwa pakati kesu, kabili nokubwela, nokupokelela icakutulenga ukumfwa bwino. Twapepa ukutila Mwalafikilisha ifi fintu fyonse kuli ifwe, pantu twaipusha ico mwi Shina lyakwa Yesu. Ameni.

Kuti mwaikalako.

³ Munyina Shakarian, Nkashi Wyatt, kabili nakuli bacibusa abakwa Shikulu Yesu Kristu, Ine icine cine ndetotela pali ino nshita pakuba muno mu Los Angeles nakabili, ukushimikila pali uyu Yesu uwakatamikwa uyo ifwe bonse tuli pano ukusambilila ifingi pali leelo. Nga cakutila ukubomba kwesu. . .

⁴ [Umuntu umo alanda kuli Munyina Branham ukulola kucisoselo—Kale.] Ee, mukwai. [Tapali amashiwi pali tepu]. . . uyu umusango. Ici cili mibele yashupa. Tutile, ici cintu tacilefwaya ukumfwana. [Bambi baleta itontonkanyo iyakubweshako icisoselo.] Ukuba, cena tacabombe kwati

ngefyo. [Pali tepu tapali amashiwi.] . . Munyina Shakarian. Ico caumfwikako bwino panono.

⁵ Ine naliba umunono, nakwata ishiwi ilinono, kabili nomba ni Mbila iikalamba ukufuma kuli Shikulu. Kwaliba ukulwisha ukwingi ukufuma kuli Satana, ukwakulesha ukuti Yena tailetelwe, lelo tuli nokufika apa munshila iili yonse. Natucetekela ukutula uyu uli nokuba umulungu uukalamba kuli ifwe bonse.

⁶ Nacikala palya ndetontokanya pafyo ninshita shinga iyo umutemwikwa uwatusha Munyina Thomas Wyatt, ukwabula ukutwishika, iyo alandile ukufuma pali cino icintamba cimo cine, umubomfi mukalamba uwakwa Kristu.

⁷ Nalimwishibe Munyina Wyatt. Ali lyonse uwakukoselesha ukukalamba kuli Ine lintu nalemukumanya nokulanda naena. Ndeibukisha, nga ilyofye nali kashimikila umulumendo, ena lyonse. . .ibuuku iyakwe, *ilitwa, Amapindo Ya Bundapishi*. Nalitemwas uyo umutwe, *Amapindo Ya Bundapishi*.

⁸ Kabili tuli abansana ukuba pano muli ili itempele ilyabikwa ku mulimo wakwa Kristu. Lesa apale mukamfwilwa wakwe, kabili naimwe bonse mwe bantu abo. . .Icine cine, Ninjishiba mulamufuluka, pamo. Ndafuluka ubutantiko bwakwe, lintu Naumfwile ukutula nasendwa. Naleumfwa lilya ishiwi. Aleya alekula panono, lelo ena akwete ishiwi ilisuma ilyamaka, kabili—kabili akwete imbila ukufuma kuli Lesa. Kabili umweo wakwe ucili uleikala pano muli imwe mwebantu. Kabili namulya muncende ishabu minshoni umo aletuma aya mabumba, nefyaba ngefyo, i Mbila nsuma icili iletwalililapo pamulandu wakwa Thomas Wyatt. Lekeni umweo wakwe utushe mu cibote mpaka nenshita iyo tuli nokumukumanya muli cilya i Calo ca bukata umo umushaba imfwa nangu ukukota. Ifwe tuli pano ukutwalililapo nomba mpaka inshita yesu yaitwa nangu ukubuka ukukalamba ukwa cinkumbawile lintu Yesu akesa ukwisa tusenda ifwe bonse.

⁹ Nomba Ninjishiba imwe namukwata ukulongana pano, Ndetontokanya, muno nshita ya bushiku. Kabili bacinjeba Ine, pa nshita iinono iyapitapo, ukutula—ukutula imwe mulekwata ukulongana pano munshita ya bushiku, eico Nala angufyanya bwangu bwangu ngefyo ningacita.

¹⁰ Pantu, Ninkwata pali Cimo mubushiku, pali Cibili m mubushiku, pali Citatu mubushiku, nefyaba ngefyo, muli uno mulungu, eico Nincetekela ukutula Shikulu ali nokutupala. Tuli nokupepelako abalwele. Tuli nokushimikila Kristu, nga cakutula Ena bwaba bufwayo bwakwe, nga cakutula cena cingaba bufwayo Bwakwe, muli yonse amaka yakubuka Kwakwe ukutula Atusuminishe ukucita. Kabili nangu Atupela ukucita, ico ifwe tufwile ukubomba nemitima yesu. Kabili Ine—Ine ninjishiba ukutula Ali nokutupala nga cakutula ifwefye twacetekela Ena.

¹¹ Kabili nomba ilyo tatulaisula i Cebo, ukubelenga Cena, Ndefwaya ukulanda kuli Ena nakabili, ilyo twakontekako imitwe yesu nokuba tondolo nomba, kabili ukucetekela ukutila icimfulunganya nacipwa. Natwiluka ukutila abena Kristu bonse balishiba, ukutila umulwani, umulwani wesu, abombela kulubali lonse. Lelo, mwamona, lintu ifintu ifyaba ngefyo fyacitika, imwe kwikalafye tondolo. Lesa naishiba ifyo cena conse cimininepo. Mwamona, imwe kwikalafye tondolo, Ena limbi kuti alecitapo icintu cimo ico tamwingshibapo nangu cimo nombaline. Lekeneni tulande kuli Ena.

¹² Taata, twapepa nomba ukutila Mwalatalalika bemba, Shikulu Yesu uwamaka iseni mwende pa Cebo Cenu nomba, ukulangisha kuli ifwe, mumibele iipya, na mumaka Yakwe namukulangisha. Twaipusha ici, ilyo tulebelenga i Cebo Cakwe, lekeni Cibe icakubilimuna imitima yesu ileelo, ukutila twinga Mwishiba, mu maka yakubuka Kwakwe. Pantu twaipusha ico mwi Shina lyakwa Yesu. Ameni.

¹³ Nomba nga cakutila kuti mwaisula mwi Buuku lya Malango. Ndefwaya ukubelenga versi imo, nangu yabili, ukufuma mwi Buuku lya Malango, chapitala 16 iya Malango.

Mulesunga umweshi wa Abibu, ico icilepilubula Shinde, kabili nokusunga icakucilila icakwa SHIKULU Lesa wenu: pantu mu mweshi wa Abibu SHIKULU Lesa wenu aletele imwe. . . ukufuma mu Egypto munshita ya bushiku.

Imwe eico mufwile ukupela ilambo lyakucilila ilya kwa SHIKULU Lesa wenu, ilya mikuni na maombe, mucifulo umo SHIKULU akabika. . . (njeleleniko). . . mucifulo ico SHIKULU akasala ukubikamo ishina lyakwe mulya mwine.

Imwe mwikalya umukate watutumuka pamo nawena; inshiku cinelubali mukalye pamo naco nomukate uushatutumuka, kabili nomukate uwakucululuka; pantu imwe mwaishile ukufuma mu calo ca Egypto mukwangufyanya: . . . eico imwe mufwile ukwibukisha ubushiku ubo imwe mwaishilemo. . . ukufuma mu calo ca Egypto munshiku shonse isha myeo yenu.

Kabili mwikamoneka muli imwe umukate watutumuka, mululamba lonse, mululamba lonse panshiku cine lubali; nangu uuli onse. . . umunofu, ico imwe mwapela ilambo ubushiku bwakubalilapo mu cungulo bushiku, cikabapo ukufika na mulucelo.

Tamufwile ukupela ilambo lya cakucilila mukati akampongolo iili yonse. . . iyo SHIKULU Lesa wenu apele imwe:

Lelo cikabe pa cifulo ico SHIKULU Lesa wenu akasala ukubikapo ishina lyakwe, palya epo mukapele ilambo

lya cakucilila munshita ya cungulo bushiku, kabili namukuwa kwa kasuba, panshita iyo mukesa ukufuma mu Egypto.

¹⁴ [Umwana nomba alila mu lukuta—Kale.] Kwati nga fintu tukwete ubwafya nakabili. Nincetekela kuti Nabilikisha apakalamba ukucila pali uyu umusango waici cintu. Uh-huh.

¹⁵ Lyena lisambilisho ilyeni nganshi ilyo Ndefwaya ukulandapo pakashita akanono muno cungulo kasuba, ilili: *Icifulo Cakwa Lesa Icapelwa Icacupepelapo.*

¹⁶ Nomba, ici tacaseka. Lelo nga fintu Nanda, imiku iingi ilyo, ukutila Lesa lyonse ekala mumisango iishaseka, muncende ishishaseka, alacita ifintu ifishaseka, pantu Ena taseka. Onse uyo uwacetekela muli Ena, acita ifishaseka. Kuli ifintu ifingi, ifyo twingafwaya ukulanda palwa kukanaseka Kwakwe. Lelo Nalishiba ifyo fyonse, ukutila abo abaishibana pamo Nankwe, balishiba ukutila Taseka, alacita ifintu ifishaseka, bamo pa nshita shimo shimo ishishaseka. Eico tulecetekela ileelo ukutila Lesa ali nokupala ifyo, uku ukubelenga kwa Cebo, kabili ne sambililo ilyo Nsalile ukulandapo kuli imwe.

¹⁷ Nomba, ico Ndetontonkanya ico icacileta ubwafya pano, cali, bena baliputula amatepu yakwambula mulya, kabili nokutinta umulilo ukufumya mucisoselo. Eico, nga cakutila bena tababikile ico, mulandu nshi, mwakulangumfwa nangu cibe ifyo. Lesa alabika amatwi yesu icakutila tumfwe.

¹⁸ Umulandu Ndefwaila ukulandila pali ili isambililo, kabili ninshita iisuma iyakucita ico, pa Mwisulo wakulongana ukwa Mbila nsuma yaba Shimakwebo Baume, ni pamulandu wakutila ama chalichi yonse, nangu ayengi pali ayo, yali pano muli ili ibumba, nefilonganino fyonse ifyalekana lekana.

¹⁹ Kabili Ndasanga, inshita ishingi, ukutila abantu, ukubakumanya pamisebo, munshila ishikalamba, kabili mundeke, mumashitima, mulibasacha, kuti Nalanda kuli bena ukutila, “Bushe imwe muli bena Kristu?”

²⁰ Umo pali bena kuti atila, “Ukuba, Ndi Methodisti. Ndi Baptisti. Ndi Presbyteriani. Ndi Lutherani. Pentecosti,” nangu cimo muli uyo umusango.

²¹ Umuntu onse alikwata icilonganino ico afwaya ukwimininako. Kabili neco cintu capwililika bwino ukwimininako icilonganino, lelo, ukuba, iciputulwa icabipa icaico, cakutila cila umo atontonkanya ukutila ili ibumba limo elimo ilyo—ilyo elili nokuya ku Muulu, kabili elimofye ilyo—ilyo Lesa abamo, nakalya, tebumba lya muntu umo. Ndetontonkanya cino cungulo yalaba ninshita iisuma iyakupwisha ico. [Ulukuta lwabilikisha—Kale.] Kabili limbi uyowine emulandu Satana aletwalililapo ukubombela pali ici icisoselo. Namwishiba, icintu conse ico umuntu apanga cili nokuba icalubana, lelo cintu Lesa apanga taciba icalubana. Eico pakuba inshita iisuma

iyakucita ico, incende iisuma iyakucita ico, eico, Lesa atwafye ukutula, ukupitila mukusenamina Kwakwe, twalaesha ukucita icawamisha cesu ukulanda pali ico.

²² Nomba ici icalakonkapo, calafuma mwi Buuku ilya Malango. Nalishiba ukutula Amalango . . . nge Ninkwata Amalembo yamo ne fintu ifilembelwe apa.

²³ Cali ukuti Naleyebukisha mukwangufyanya, lelo ukutula apo Nacilile pamakumi yabili nayasanbo, umuku wa cibili, cena cilaba icakosa panono kuli ine ukwibukisha ico conse. Eico, Ndaya mu muputule nokupepa. Kabili ilyo Ampela Amalembo, Ndayalemba, kabili limbi ndalemba limo limo kabili nomba, pamo nakena, kalanenga ukubika amano yandi munshila iyo cabelelemo lintu Apele ico kuli ine.

²⁴ *Amalango* ukuba ishiwi lya ci Greeki cipilibula “amafunde yabili,” ishiwi ilya Malango. Kabili Lesa akwata amalango yabili.

²⁵ Kabili limo pali ayo lifunde lyamfwa, ku kukana nakila i Cebo Cakwe. Tulesanga ukutula, lintu Efa akene ukunakila i Cebo Cakwe, caletele imfwa. Ilyo elimo pa mafunde Yakwe, “Ubushiku mukalyako, ubo ubushiku imwe mukafwa.”

²⁶ Kabili nomba Alikwata nalimbi ifunde, ilyo lya Mweo, ku kunakila. Nga cakutula tamucitile *ifintu* fyamusango uyo, mulandu nshi, ukusunga i Cebo Cakwe, imwe muli nokuba abamweo.

²⁷ Cena ciya ukufika pa fintu fibili, munshila yandi iyakutontonkanya, ico cili, limbi ukusunga i Cebo Cakwe nangu ukukana nakila i Cebo Cakwe.

²⁸ Limo pali aya amafunde lyapelwe pa Lupili lwa Sinai. Kabili nalimbi lyali . . . Ilyo lifunde lyamfwa. Ifunde limbi lyapelwe pa Lupili lwa Kalbale, apo ifunde lya Mweo lyapelwe, ukupitila muli Kristu Yesu.

Ena pamo akwata ifipangano fibili.

²⁹ Akwete icipangano pamo na Adamu, umuntu wakubalilapo pesonde. Kabili nacilya icipangano cakwete ifyakukonka, “Nga cakutula wacita *cakuti-na-cakuti*, Ndi nokucita *ici-ne-ci*.” Adamu alikwete icintu cimo icakucita pakutula engasunga ici icipangano ukuba icituntulu kucinso cakwa Lesa. Aendele munshila shakwa Lesa, ukusunga conse i Cebo Cakwe, tekonaulapo i Cebo cimo.

³⁰ Lelo nomba Apangile icipangano cimbi, neco cali pamo na Abrahamu. Ici icipangano tacakwete ifyakukonka, lelo cali icabula ifyakukonka. Lesa apele icipangano kuli Abrahamu, takwali nangu cimo icabikilwe pali ico nakalya. Tapali icakukonka! Iyo, “Ndi nokucita.” “Ninkwata! Nalicita ico akale.”

³¹ Kabili ayo emafunde ayo abena Kristu bafwile baikalililapo. Tefilya tucita palwesu, lelo kano ico Atucitila ifwe. Kristu kale alipelwa ilambo. Te, “Ali nokuba.” Aliba! Cena cipe icapwa ukupanga. Ali nomweo, afwile, abukile nakabili, aninine ukuya mu Muulu, alibwela mumibele iya Mupashi wa Mushilo. Eico, wena mulimo uwapwa, pamo na Lesa. Kristu, uushaishibe ulubembu, aishileba ulubembu lwandu; ukutila Ine ningeminina mucifulo Cakwe, Abulile icifulo candi. Nali muli Ena, pa Kalbale, lintu Afwile. Palya Mfwile nafwa Nankwe, pakuti naba no mweo. Pantu ifunde Iya lubembu nemfwa fyaba mu mubili, ufwile wafwa, pakuba uwa wikishanya Nankwe.

³² Lelo nomba natukwata amashiwi aya twingabomfwa, muli aya amasambililo ayakalamba, ayo ifwe bonse twaishiba pamo nayengi pali yena, kabili nefya kupashanya ifikalamba ifyamu Malembo. Lelo, muno cungulo kasuba, ifwe natushingamwa neci, icakutila, pali ifi fyonse, Acili aletila kwabafye icifulo cimo ico Enga kumanishishapo iwe, pali fyonse ifi ifyalandwa ifyalekana lekana. Twalikwete fyonse ifi ifyaba Yuda. Twalikwete ifyaba Mohammedi. Twalikwete... Twalikwata imisango yonse iya fisumino ne filonganino, ama chalichi, nefyaba ngefyo, lelo cibe Lesa atile kwaliba icifulo cimo ico Enga kumanishishapo iwe. Pali fyonse ifyo ififulo, cila umo alalanda ifyo, “Esa mukulongana mu chalichi candi. Kabili nga cakutila tawaba mu chalichi candi, Ena—Ena tekuti akukumanye iwe. Iwe, iwe ufwile wabafye muli ili ibumba nangu Ena—nangu Ena fye tekuti akukumanye mulya. Nangu, tekuti Akumanye iwe pancende iili yonse imbi kano palya, ukucila.”

³³ Kabili nomba ilyo twasanga pano ukutila Akwata icifulo cimo, icifulo cimofye epela. “Iwe ukapele ilambo muli cilya icifulo ico Shikulu Lesa ali nokusana.” Nomba Alikwata icifulo icasalwa ico Akumanishishapo abana bakapepa, kabili tabali nokupela ilambo apali ponse pambi kano muli cilya icifulo cimo. Icifulo cimo cimbi tekuti cibombe. Alikwete icifulo cimo ico Enga kumanishishapo bena. Necifulo cimo, ceka, nyapo Akumanishisha kapepa.

³⁴ Nomba, nga cakutila ico caba icacine tufwile twaba abacenjela nganshi ukuti twasanga ico icifulo. Ndetontonkanya cena caliba mushingamo wesu apakalamba, ukutila, nga fwebantu abaishiba ukutila tulefwa, kabili twikala mu mutundu uulefwa, ukwikala mu nkulo iilefwa, ukwikala mu calo icilefwa, pesamba lyacaiminikwa icamfwa.

³⁵ Kabili ili isonde lifwile lyaisa kukupwa. Teti litwalililepo ukwikala panshita iitali. Ulubembu nalushika nganshi. Nalucila pesubilo. Tapali nakabili isubilo pesonde. Lyalipita pali ico.

³⁶ Ndecetekela Mupashi wa Mushilo alesombola mu mabala, ukusanga *uyu* umo *naulya* umo, pantu inshita naipwa. Imbila

nsuma yalishimikilwa ku calo conse, utwakwimininapo ne fintu fyalikonka ico, lelo cibe i Mbila nsuma yalitwalililapo cimo cine fye.

³⁷ Kabili nomba, pa nshita iyakulekelesha tulemona ifi fintu filecitikila munshila fibebelemo, pali icakusoka icikalamba pakwati ka bantu abasalwa abakwa Lesa, ukusanga ico icili icalungama. Kabili mushingamo wesu ukwishiba ico. Nomba, tecalandwa ica muntu umo, lelo ukwishiba ico icaba i Cine, ico Baibele yalanda e Cine. Pantu, cili nokuba ninshi inshita naipwa muli ishi inshiku, kuli ifwe, kabili ubu bufwile ukuba ubushiku, eico lekeni tubule ukutontonkanya ukutuntulu paco Lesa alanda.

³⁸ Ibukisheni, lintu Lesa alanda i Cebo, tekuti Abwesesho cena kunuma. Ena afwile ukubafye cimo cine. Tekuti alande icintu cimo, kabili nomba atila, “Ukuba, Ine—Ine nshacipilibula bwino bwino ico.” Mwamona, Ena asangwa konse konse. Alishiba icawamisha, mukubalilapo. Tulalanda ifintu ifyo tutontonkanya ukutula efya wamisha, nomba panuma yakashita akanono twafikana. Lelo Lesa tekuti acite ico, kabili nokwikalilila Lesa. Eico nga cakutila Alasangwa konse konse, Ena—Ena tacita ico, pantu Ena aba uwapwililika pa Cebo conse. Talanda i Cebo kano caba ica Muyayaya. Conse ica Muyayaya Cakwe cali pamo na Ena kukutendeka, amatontonkanyo Yakwe, ifyalefuma muli Ena, kabili fyena fyalelangishafye fyena palwafiko mwisonde ileelo.

³⁹ Nomba, ibukisheni, Alipele icifulo, icifulo cimo ceka apo Ali nokukumanisha abana bakwe abacetekela. Kabili kucifulo icili conse tekuti cibombe.

⁴⁰ Ibukisheni, Yesu atile, ilyo Ena aali pano pe sonde, alalanda kwibumba lyabantu abo abali aba bukapapa nganshi, abasuma nganshi, abasambilishiwa bwino nganshi, abantu abapimpa nganshi, abakwa Lesa, lelo Yesu atile kuli bena, “Mu Nshinshimuna apafye,” ukusambilisha kwi Sambilisho intambi shabo isha bantu. Ibukisheni ifyo balya bantu bali abaishibisha, kabili ifyo bali abapimpa kuli Lesa. Ndecetekela nga twalependa abantu abo abali abapimpa ukucilapo, abeleelo nangu bulya bushiku, bena kuti baba abapimpa nganshi ukucila ifyo twaba. Ukucilapo! Lintu caisa mukusunga intambi namafunde, nefintu, bena baikalile pali ifyo. Kabili bena bali abapimpa nganshi kuli Lesa, kabili bena bacetekele Lesa. Lelo Yesu, Lesa apangile umubili pakati kesu, atile, “Mu Nshinshimuna apafye.” Nomba, Talandile ukutila taba Mushinshimwine. Bale Mupepa, lelo apafye.

⁴¹ E ico icintu conse icaba apafye tacaba nangu ci-, takwaba icintu nangu cimo, tacita icisuma nangu cimo. Tamulingile ukucicita, pantu muleposa fye inshita yenu. Muleonaula umupu

wenu, muleonaula fye amaka yenu, mpaka twaisa ishiba ico tulecita.

⁴² Mucine, nga Lesa alesubila abantu ukuba abapwililika, nga fintu Yesu alandile ukutula, “Beni abapwililika nge fyo Shinwe uwa mu Mulu aba uwapwililika,” kulingile kwabako ukuiteyanya kumo. Kabili Atile, “Nkasala incende iyo abantu baka Mpepelapo. Takuli incende imbi uko Nkaba kumanishishapo.” Kabili, nomba, ico cilingile ukuba ilya ncende, kabili ifwe tulingile ukuifwaya yena. Ukufwaya apo yabela, kabili nomba ukuyako. Ndetontonkanya ukutula tulingile ukupilibukila kulya, mukwangufyanya, ilyo twaisanga incende, nokusha ifintu fimbi.

⁴³ Nomba, ibukisheni, Yesu alilandile muli ili line Ilembo pano ilyo Ndeambula. Intambi shabantu ninshi shaba apa fye. Tatulingile ukwangala na ico. Pafwile paba, kuncende imo, incende imo iyo Atupela, umo twingesa kabili nokupepa kwapokelelwa. Nomba, ibukisheni, kunse ka ilye ncende iyasalwa, temulandu eflyo wingaba uwacishinka, eflyo ukonka ifipope, ulepepa apafye.

⁴⁴ Ninjishiba ukutula ico cileumfwika icabula umucinshi. Lelo, icikulwa cili mupepi nokupwa, tatulefwaya cena ukusunkana. Natuikakile panshi ukusuntinkana ne Mbila nsuma, icakuti abantu nga bamukumanya mumusebo, nangu conse fintu wingaba, mwe bena Kristu, ukutula imwe mukakwata ifyakubasuka.

⁴⁵ Muli ola ilyo bena baletila, “Oh, *ici* ni Cilya. Kabili Nalimona *aba* ukucita *ici*, kabili *cilya* ukucita *cilya*.” Mucine, fyonse ifi fintu filingile ukucitika. Lelo kwaliba incende iyo yapelwa na Lesa eka, kabili iyo encende intu Lesa akumanya kapepa, yeka.

⁴⁶ Moneni vesi ya 2, “Ukupepa muncende iyo Nasala.” Iyasalwa isa? Muli iyi ncende cilangisha ukutula Alikwata incende umo abantu bonse bapepa. Incende shimbi sha fye. “Kabili muli ino ine incende,” Atile, “Ninsala kabili ukubika i Shina Lyandi muli ino ncende. Nkasala incende, kabili Nkabika i Shina Lyandi muli yena, muli iyi ncende iyo ali nokupepelamo.”

⁴⁷ Nomba, *ici* cilelangisha ukutula kuliko incende imo, imo fye. Cena cilingile ukuba ukusala kwa kwa Lesa; cena tekuti cibe cesu. Ifwe tatwakwata ukusala ukuleisa; Ena aliisala kale. Nomba, ifyo Lesa asala fyalilungama. Ine kuti nasala icilubo, imwe kuti mwasala icilubo, lelo Lesa tekuti. Saleni bwino. Nakuba, cena cili, Ena e umo uulepepwa. Kabili Alikwata incende uko Alefwaya bakapepa Bakwe ukukumana, kabili ifwe tulingile uku Mukumanya kulya. Iyo e ncende fye yeka iyo Ekalako; incende fye yeka iyo Akamumfwilako.

⁴⁸ Leken i tumone pano, na cimbi, “Incende iyo Nasala uku Mpepamo, Nkabika i Shina Lyandi muli ilye ncende.”

49 Oh, nomba lekeni tufwailishe mu Malembo pali ilya ncende iyo Abikamo i Shina Lyakwe. Nomba twalikwata ifinshingwa nefipasho, ukupita muli Baibele yonse, twalishiba ukuti, pancende ishapusana pusana epo Akumanishe abantu, lelo ilya te ncende iyo Ali nokubakumanishapo ileelo. Pantu bena balelangisha fye icintu cimo, ukwisa kuncende ituntulu uko Ali nokukumanya abantu, incende, i Chalichi umo Ali nokubakumanyamo. Kabili kwaliba incende, kwaliba i Chalichi, ico Lesa alaile ukukumanya abantu muli iyi ncende nokwasuka amapepo yabo, nga kuti baisa fye kuli iyi ncende no ku Mushinshimuna.

50 Nomba tulesanga ukutila kwaliba abengi abalanda ukutila—ukutila balikwata incende, i Shina lyakwa Lesa lyaba muncende yabo. Lelo, mwamona, *bona* babikile i Shina lyakwa Lesa mulya. Pali ubupusano ubukalamba pakati kakwa Lesa ukubikapo i Shina Lyakwe palya, kabili umuntu umo ukubikapo palya, i Shina Lyakwe palya. Mwamona? Tulingile ukwibukisha ukutila Lesa atile, Ena akabika. “Nimbika i Shina Lyandi. Nkabika i Shina Lyandi muli ino ncende. Kabili ilya e ncende intu Ine nasala, kabili nalisala, ukutila abantu bafwile bapepa.”

51 Ici, ukutuleta nomba mukulangisha kwa ifi finshingwa fya nshita, ukutuletela Kristu mukumonekela. Conse Icipangano ca Kale calelangisha Yesu. Mu Egypto, ilya nshita yabushiku ilyo kwali nokuba u—umwana wa mpaanga uwacakucilila aipaiwe kukucingilila abantu, tulemona ukutila Lesa alikwete incende imo, imibele imo. Te mulandu ifyo mwaba abacaice, ifyo ali shimapepo umukote, shimapepo, fyonse ifyo mwali, mulingile ukuba muli iyi ncende imo. Fyonse kunse ya ilye ncende, fyalilyonaike. Mulingile ukuba muli iyi ncende imo, incende iyo Apele.

52 Nomba, ifwe kuti twaposa inshita iikalamba, muno cungulo kasuba, mukulondolola ico, ico cingaba ukulangisha fye ico twaishiba kale, ukutila ifyo Kristu alangishe kabela mu fipasho. Umwana wa mpaanga uwelambo, ifyo alingile ukusungwa, umwaume ukwabula icibala, kabili ifyo alingile ukwipaiwa ku bakalamba, kabili ifyo umulopa ulingile ukusanswa pa mwinshi, fyonse fyalu ifinshingwa fyakwisa kwa kwa Kristu. Kabili pali uyu umulopa uwasumishiwa ewali incende iyo Lesa akumanishepo kapepa, lintu malaika wa Mwfa apitile mucalo.

53 Ndecetekela ukutila tuli abaiteyanya ukufuma mu Egypto, bumu muli ishi nshiku, kabili ukuya muli iyi Mpanga yabulayo. Kabili naifika inshita yakuti twingile muncende yalungama, noleka uku ukulanda landa ukutila, “Ndi Prebysteriani. Ndi Methodisti. Ndi Baptisti. Ndi *ici*. Ndi *cilya* nangu *icibiye*.” Fumeni muli cena, nokusanga uko iyi ncende yaba, pantu kwaliba imfwa kuncende shonse kunse yancende Yakwe iyasalwa. Imfwa ili nokuma fye mucine nge sonde, nga tatuli muncende Yakwe iyasalwa. Lelo uko Ena asala, imfwa tekuti ise.

⁵⁴ Nga mwamona mwilambo lya mwana wa mpaanga, imfwa yalitandalile kale kulya. Imfwa yalifikile pali iyi ncende pantu umwana wa mpaanga alifwile. Imfwa yalitandele kale. Kabili e ico uko imfwa yatandalile, lyena Lesa alilaile ukutila iyo eyali nokuba incende Yakwe. Nomba, Ena mukumonekela, tulemona nomba ifyo umwana wa mpanga uwelambo aali, ifyo incende yamweo yali pali ilya nshita.

⁵⁵ Nomba, kuli ine, ici casusha ifikansa fyonse. Na Kristu ukuba palwalala, ukuba ilambo lya Mwana wa mpaanga, nomba ico cilesusha ifilonganino fyonse, ifisumino fyonse, ifishilano fyonse, ifyakuyafye kuchalichi conse. Cena cilesusha icintu conse. Ico nacilungama, pantu tulesanga, pano, Ena mukumonekela, pantu Ena e Cebo cakwa Lesa icishaikatwako. Yohane Washila 1, itila, “Mukutendeka mwali Cebo, Cebo ali pamo na Lesa, kabili Cebo ali ni Lesa. Kabili i Cebo caishileba umubili nokwikala pakati kesu.” Eico Ena Cebo cakwa Lesa icishaikatwako icapangwa umubili, icalangishiwa.

⁵⁶ Kabili ici mukumonekela, tekuti tucikuminkanye nechalichi icili conse mwisonde ileelo, icilonganino icili conse. Incende iyaba nga ifyo, tekuti tucikuminkanyeko, pantu tefyo caba. Tubika i Shina lyakwa Kristu pa cikulwa, nokucita cena chalichi cakwa “Kristu,” kabili *ici, ico*, nangu *icibiye*. Ico tacilecipanga ukuba ifyo. Ico tacicita ifyo, nakalya. Lelo ilyo Lesa abika i Shina Lyakwe mucintu cimo, ico ecicipanga ifyo.

⁵⁷ Nomba, takwaba icintu nangu cimo muli Baibele ico icingapashanya utubungwe twesu utupya, kano fye Babyroni. Ico e cipasho fye ceka muli Baibele icakabungwe kesu kanshita ipya, bukapepa ubwaampanishiwa, pantu kwena kwasangilwe na Nimrodi kabili ukwampana ukwapatikishiwa pakati kabantu bakapepa. Kabili ifyo e fyo ifisumino nefilonganino fyesu ficita ileelo, ukwampana kwa kupatikisha, “Mufwile mwaba kuli ici nangu ukuba kunse!” Kabili tuleisa nomba, nga fintu tulemona, bonse mukupatikishiwa kwakwampana ukwa ico. Lelo cilya cibombelo icapangwa ukufuma ku muntu, kabili tekuti ciminine. Cena tacili bufwayo bwakwa Lesa. Cena tacili ubutantiko bwakwa Lesa. Te mulandu ifyo abantu besha ukulanda ukutila cena e fyo cili, cena tacaba. Cena tekuti cibe. Cena tacingacitwa fye, ukuti cingaba ifyo. Lesa tekuti abike i Shina Lyakwe mucintu ca musango ngoyo icikana i Cebo Cakwe. Musango nshi Lesa engekalila mucintu cimo ico cisuminisha i Cebo Cakwe Umwine? Ena tekuti acite cilya.

⁵⁸ Eico twasanga ukutila, tacaikatana nechalichi ilili lyonse, Methodisti, Baptisti, Presbyteriani, Pentecosti, Katolika, Orthodox Greek, fyonse ifyo cingaba. Tailaba incende yakwa Lesa iyakupepelamo, nomba.

⁵⁹ Nomba lekeni Lesa, Uyo wapele ubu bulayo, ese nokushininkisha cena, ukutila cintu calungama. Ulya e musango

uwakucitilamo ico. Nga Acili ni Lesa, Acili ni Lesa! Nga Alitalile ukuba Lesa, Ena aba ni Lesa!

⁶⁰ Kabili nomba tulemona ubu bukapepa ubwa kupatikishiwa, pabwelu fye nomba, ukuleta amabumba yonse ayanono mu “kwampana kumo ukukalamba,” efyo bakwita. Bamo muli bena bacetekela muli *ici*, kabili bamo bacetekela muli *ico*; kabili bamo bakana *ici*, kabili bamo bakana *cilya*. Baibele yatila, “Kuti babili baendela shani pamo kano bena nabasuminishanya?” Cena tacakatale acibomba.

⁶¹ Tufwile twaba mukusuminishanya. Kabili ukusuminishanya kwashani nacinshi? Tekusuminishanya umo no mubiye, ukulingana nge fyo tulingile ukusuminishanya ne Cebo, na Lesa. Ifyo efyo cilingile ukuba mukusuminishanya naco.

⁶² Nomba tulesanga ukuti, kabili ukwampana ukwakupatikishiwa kwaimininweko ku mabumba yabantu ku Babyroni. Lesa tekuti abike i Shina Lyakwe mucintu ca musango ngoyo. Tatalile cita ico kabili Takatale acita ico. Nangula bena balyesha cena, balibikile ishina lyabo muli cena, ukubika i Shina Lyakwe muli cena, lelo cena tacili fyo.

⁶³ Lelo tulingile ukusanga uko Abikile i Shina Lyakwe, pantu e ncendefye kabili incendefye Apela ku bena Kristu ukwisa, nabana bacetekela, no ku Mushinshimuna muli iyi ncende. Nomba iyi kuti yaba nincende nshi?

⁶⁴ Nomba ukucishininkisha, ifwe kuti twasenda Baibele yonse kukushininkisha ifyo Nalalanda. Pantu, incende intu Asala ni muli Kristu, muli Yesu Kristu. Nimuli Ena, u Mwana Wakwe; u Mwana wakwa Lesa, Yesu Kristu.

⁶⁵ “Ukuba,” mwatile, “Natontonkenye ukutila Amalembo yatila Atile Ena akasala incende, kabili Ena nao kuti abika ‘Ishina Lyakwe’ muli ilye ncende.”

⁶⁶ Ukuba, umwana lyonse asenda ishina lyakwa wishi. Ishina lyandi nine Branham pantu batata bali niba Branham.

⁶⁷ Kabili Yesu atile ukuti Aishile mwi Shina lyakwa Wishi Wakwe. Yohane Washila 5:43, “Naisa mwi Shina lyakwa Taata Wandi kabili tamwa Mpokelele,” e ico kanshi apa epo Lesa abikile i Shina Lyakwe, mwisamba yelambo lya Mwana Wakwe Wine! Iyo e ncende fye yeka iyapelwa na Lesa. Kulya eko abantu bengakumanya Lesa, nimuli Kristu. Iyo e ncende Yakwe iyapelwa. Takuli icilonganino, takuli icisumino, takuli icintu cimbi, Lesa alaya ukutukumanya. Nimuli Yesu fye emo Akatukumanyisa, pantu ilya e ncende fye yeka umo i Shina Lyakwe lyaba.

⁶⁸ Tuleumfwa na Yesu, ilyo Ndekonka Amalembo, Yohane, Yohane chapitala 5 na vesi ya 43, Atile, “Umbi akesa, nokwisa mwishina lyakwe, kabili ena mukapokelela.” Kuti twailunda ku cisumino, “cimbi,” kuti twailunda ku cilonganino, muli

nokumupokelela; lelo lintu wapokelela Yesu, cena cilapusanako. “Umbi akesa nokutila, ‘Ndi no kutila Ndi Methodisti, Ndi Baptisti, Ndi Presbyteriani,’ muli nokupokelela ico bwino bwino. Lelo Naishila mwi Shina lyakwa Taata Wandi, ukucita cilya ico Taata alandile ukutila Nkacita, kabili imwe tamwa Mpokelele.” Atile, “Yohane aishile, kabili alikwete inte iikalamba, lelo Nalikwata inte iikalamba muli Lesa—muli Lesa ukucila ifyo Yohane akwete. Pantu ifyo Taata ampela Ine ukucita, ico Ncita,” i Fyebo ifyalembelwe pali Ena, ifyo Ena alingile ukuba muli bulya bushiku. Pantu Ena ali . . .

⁶⁹ Ishina Lyakwe aali ni Lesa. Lesa alikwata ifyakwitolwako ifingi. Lesa cakulwitolwako, Icline, caleitwa Yehova-jire, Yehovapha, Yehova-manasseh. Aleitwa Nsalankwale ya mu Sharoni, Cananika uwa mu Mipokapoka, Ulutanda lwa Lucelo; Alifa, Omega, Ukutendeka ne Mpela; elyo Taata, Mwana, Mupashi wa Mushilo; fyonse ifi fyakwitolwako.

⁷⁰ Lelo i Shina Lyakwe, i Shina lyakwa Lesa ni “Yesu Kristu,” Uyo Uwasubwa. Ilyo e Shina Lyakwe. Alikwete ifyakulumbwilako ifingi, kano fye i Shina limo, lyeka, “Takwaba Shina limbi pesamba lya Muulu ilyapelwa pakati kabantu, umo mwinga pusukila.” Tulesanga ukutila ico cishinka.

⁷¹ Pamo nokusoka uku, ukutila, “Lintu uyu umbi aisa, ukutila ena aishile mwishina lyakwe, ‘Ba Methodist, ba Baptist, ba Presbyteriani, ba Pentecosti,’ nafimbipo, muli nokumupokelela ena. Muli nokuilunda pamo nankwe.” Lelo Kristu nabamukana. Bena bala Cikana ico.

⁷² Kasesema alilandile ico! Katupepeke i Shina lyakwe panono. Kasesema atile, “Ishina Lyakwe liketwa ‘Emmanuele.’” Nomba, Esaya alandile ico, nalimo mu chapitala 7. Kabili namuli Mateo 1:23, atile, “Ifi fyonse fyacitilwe, ukuti finga fikilishiwa icalandilwe na Shikulu ukupitila muli kasesema, ukutila, ‘Ishina Lyakwe liketwa *Emmanuele*, ico icipilibula, “Lesaba na ifwe.””

⁷³ Emmanuele, kabili i Shina Lyakwe ali ni Yesu, Lesa pamo na ifwe, ne Shina lyakwa Wishi Wakwe. Aishile mwi Shina lyakwa Wishi Wakwe. Palya epo Lesa abikile i Shina Lyakwe, mu Mwana Wakwe. Iyo e ncende fye yeka umo mwinga Mupepelamo. Incende fye imo iyo Lesa akatala mukumanya, caba muli ulyo Mwana ico capashaniwa kumwana wa mpaanga uwelambo. Kabili ukupita monse mu Cipangano ca Kale, fyonse fyaletete ifipasho ifya ico cintu cimo, ukutila incende yeka, Lesa, eka, alebakumanya pesamba lyamulopa welambo; incende fye yeka emo Ena abakumenye. Incende fye yeka iyo Ena akumanishapo ileelo: te mwishina lya cisumino, nangu mwishina lya cilonganino, ishina lyachalichi, nangu ishina lyebumba, nangu ishina lyakabungwe, lelo mwi Shina lyakwa “Yesu Kristu!”

74 Nalyeshe ico ilyo Nali umulumendo. Lyonse naleumfwa palwa fyamipashi, iyakwa ciwa, ifyo acita ifintu. Kabili Nalishibe ukutila nga kwaliko Lesa, kulingile kwaba ciwa, pantu Baibele ilanda ukutila kwali ciwa. Kabili ena, Natontonkenye. . . nalyumfwile pali aba fyamipashi. Nalile kuli bamo palibena, nousanga ukutila balifye ababufi, takwaba nangu cimo, lelo ibumbafye ilikalamba ilya bantu abaipanga ukucetekela. Lelo Nalisangile ukutila kunse kulya bamo pali bena bali abafyamipashi.

75 Nali kunkambi inshita imo, uko kapyunga na Ine twaile mukubamona mulya. Baimishe itebulo pamulu ukufuma panshi, kabili pali nemisukupala yawiski; kabili babulile itebulo, balelipilibula kuntanshi nakunuma. Necilimba cilepupuka mucikulwa; nefyaufwala fyabantu. Nalimya, mumuputule. Atile, uyu kabuka atile, “Ndebeca uuli onse ukuliponya panshi.”

76 Abaume babili batile, “Nalaliponya.” Baliikete ku molu nga *ifi*, nokweshwa ukwikatilila. Lyena lyalikana. Mulandu nshi, ilyo tebulo lyaisihile baposa panshi.

77 Mwilaikalafye. Nga imwe tamwatalabapo ba minshoni kabili mwasangwa mwibala, icintu fye ceka ico mwaishiba caba fye itontonkanyo lyakwa ciwa. Nga mwamona aba apa bamo abantu abaleendauka mumusebo, kuti mwamumona. Lelo kwaliba ciwa! Mucine eko aba.

78 Kabili abantu bapepa ciwa, tabaishiba nefyo balecita. Bena bapepa ciwa mu machalichi, “Ukusambilisha kwi Sambilisho amafunde yabantu, ifisumino—ifisumino ne ntambi.” Kabili Natile. . .

79 Uyu mwanakashi aishilebilikisha kuli ine, kabili atile, “Balinjeba ukuti uli kashimikila.”

Natile, “Ndi kashimikila.”

80 Atile, “Kanshi nga. . .” Atile, “Cinshi ico uletontonkanya palwa ici?”

Natile, “Cena ni ciwa.”

81 Kabili atile, “Ukuba, kanshi, nga naukwata amaka ayengi nganshi, liponye panshi.”

82 Natile, “Nshakwata amaka nangu yamo, nakalya. Nshakwata amaka, lelo Ndi pano ukwimininako Umo.”

83 Natile, “Shikulu Yesu, Mwatile, muli Marko Washila chapitala 16, ‘Mwi Shina Lyandi bakatamfya ifiwa.’” Natile, “Nomba, ukutila umubomfi Wenu limbi kuti aishiba, ilyo ubulwi buli kuntanshi yandi!”

84 Natile, “Na eba lilya itebulo ukupona panshi, mwishina lya ‘Chalichi ca mushilo,’” kabili lyalikelefyey palya pene. Natile, “Na eba lilya itebulo ukupona panshi palya, mwishina lyakwa ‘Taata, Mwana, na Mupashi wa Mushilo,’” lyena lyaikele palya pene.

Natile, “Na eba lilya itebulo ukupona panshi, mwi Shina lyakwa ‘Yesu Kristu,’” kabili amolu yonse yane yalifumineko, lyauma na panshi!

⁸⁵ “Mwi Shina Lyandi bakatamfya ifiwa!” Lilya e Shina lyakwa Taata. Abikile Ishina Lyakwe muli Yesu Kristu. Kabili muli Ena Akumanya, kukushinshimuna. Muli Ena Akumanya, ukutamfya ifiwa. Muli Ena Alakumanya, ukundapa abalwele. Muli Ena Alakumanya, ukupususha. Muli Ena Alakumanya, ukupususha, ukwisusha na Mupashi wa Mushilo. Ilya e ncende fye yeka yakwa Lesa ku kumanya abantu ku kupepa. Nomba tulesanga ukutula Yesu alandile nakabili ukutula... Ishiwi, Ishina *Yesu*, cipilibula “Yehova-Kapususha,” Yehova Kapususha.

⁸⁶ Ibukisheni, “Tamwakapepe Shikulu...” 5, vesi 5, “Imwe mwipepa Shikulu mumpongolo ishili shonse, isho Shikulu Lesa apela imwe. Impongolo ishili shonse, tamwaka Mupepe kulya,” Lesa atile, mu vesi ya 5 pano, iya Malango 16. “Mwika Mupepela mumpongolo ishili shonse, isho Shikulu Lesa amupela imwe. Amupele ifi fintu kukumweshwa.” Ifwe tukesha muli ico, uno mulungu, Shikulu ngasuminisha, ukumona nga cakutula Lesa alabweshwa i Cebo Cakwe ukucibwekeshamo, nangu iyo. Moneni, Amipele shilya impongolo, lelo tamufwile ukupepela Shikulu muli shilya impongolo, pantu Shikulu Lesa wenu takamukkumanye mulya.

⁸⁷ Lelo Shikulu Lesa alisala impongolo. Alisala iciibi. Yesu atile, muli Yohane Washila chapitala 10, “Nine mwinshi kwicinka lya mpaanga. Nine ulyo mwinshi.” Ena ni Yehova-Kapususha.

⁸⁸ Nomba kuti twatwalilila pano pa ma ola, ukulondolola ico. Lelo Ndi uwashininkisha ukutula mwalailuka cena, kumicitile yenu, ukutula imwe—imwe mwaasuka ku Cine kabili ku Cebo. E ico ifwe tatwatwalilile ukuya pantanshi, kuti mwacisenda ukuli konse uko mulefwaya. Konse uko mwaisa, nga cakuti Cishinka, cili nokuponene nakabili mumulongo pamo nacome i Cebo. Imwe tekuti mulenge Baibele ukulanda icintu cimo muncende imo, kabili icintu cimbi icashala, cena cintu capusana kufyo Alandile intanshi. Cena cilingile ukuba cimo cine inshita fye yonse.

⁸⁹ Ndeshako Amalembo ayengi pano pali ici, pamulandufye wakutula Namona ukutula inshita niapwa. Kabili nkashi yesu nabambi nabakwata ukulongana muno muno bushiku, kabili tulefwaya ukupepela abalwele. Emukutula, fwailisha, Billy, nga cakuti nabakwata ifitupa fyakupepelwapo.

⁹⁰ [Umo atila, “Takuli ukulongana muno bushiku.”—Kale.] Takuli ukulongana. Cawama. Cawama, cawama. Cisuma. Nomba lekeni tucisange cena. Cisuma. Cisuma. [Ulukuta lwasumina.] Ifwe tulesubila ukutula Shikulu ali nokupala uyu

namayo pali ici, ukuleka ifwe ukukwata iyi ncende, ukutupela iyi nshita.

⁹¹ Kwaliba ifishininkisho ifingi ifyapwililika ukutila Yesu e ncende. Ena e mpongolo, Ena e Shina, kabili nenshila fye yeka iyapelwa iyo Lesa akwatila umuntu ukukumanya mukupepa. Ena e Nshila, Iceine, u Mweo; i Mpongolo, u Mwinshi; Alpha, Omega, Ukutendeka kabili ne Mpela; Rose wa mu Sharoni, Cananika uwa mu Mipokapoka, Ulutanda lwa Lucelo; Alifa, Omega. Ena ni fyonse, icintu conse ukubikwa capamo. Ena aba fyonse fibili Umushila kabili Ubufyashi bwakwa Davidi, Ulutanda Ulwabalikisha kabili ulwa Lucelo. Muli Ena mwaikala umwisulo wamutwe wa Bulesa, mumubili, uko ifwe mulya tuli abana baume nabana banakashi kuli Lesa, mumutwe wa Bulesa wakwa Lesa. Ee. Nga abana baume nabana banakashi, tuli mulupwa, nga muli mulya.

⁹² Nomba musango nshi twingengilamo muli iyi ncende iikalamba ku kupepelamo? Ilyo e lipusho limbi. Twingila shani muli iyi ncende, nga Yesu e ncende? Ena e Shina lyakwa Lesa. Ena e ncende yakupepelamo Lesa. Kabili Ena e mwinshi fye uwakwicinka lyampaanga. Kabili tulefwaya ukusanga ifyakwingilamo muli Ena nomba.

⁹³ Nomba, nga muli pa mwinshi, mucine, imwe mwingila ngo lupwa, nge fyo ifwe twalelanda ubushiku bumbi palwa, i . . . nangu pa cakulya ca lucelo, palwa mpaanga ishinono, ukutila Lesa tekuti esale icibi mpaka Afwaya ilye mpanga iinono iyakulekeshesha nokuiletamo. Nga imwe mwalisamo, lyena ninshi mwaba ulupwa. Muli lupwa lwakwa Lesa ilyo mwaisa muli Lesa. Lelo tekuti mube ulupwa lwakwa Lesa nokuba Presbyteriani, Methodisti, Baptisti, na Pentecosti. Tekuti mucite ico. Mulingile ukwisa muli Yesu Kristu.

⁹⁴ “Ukuba,” mwatila, “twalicitile ico.” Tuli nokumona nga cakuti mwalicitile ico.

⁹⁵ Leken i tusange ifyo Baibele ilelanda nomba. Tulesanga, mu Bena Korinti Wacimo, chapitala 12, Baibele itila, “Ku Mupashi umo ifwe bonse tulabatishiwa mu Mubili umo.” Twalibatishiwa mu Mubili wakwa Kristu, ku Mupashi wa Mushilo umo. Tatwasunkanishiwamo, tatulundwamo, tatubatishiwamo na menshi. Twabatishiwa na Mupashi wa Mushilo, mu Mubili wakwa Yesu Kristu.

⁹⁶ Bushe cisenda inshita yashani nga waingila Mulya? Mpaka wacita ifyabipa? Abena Efese 4:30 itila, “Mwilenga Umupashi wa Mushilo wakwa Lesa ubulanda, muli uyo mwakakatikilwa ukufika pabushiku bwakulubuka kwenu.” Ukutalikishanya Nankwe, te ine. Ifyo e fyo Cena calanda. Ndebelenga Ico. Cisuma. “Imwe mwalikakatikwa mpaka ubushiku bwakulubuka kwenu,” mpaka ubushiku ubo Yesu akamikonkela.

⁹⁷ Nomba, tontonkanyeni pali cena, imwe lyena teimwe mwebene, imwe muli cibumbwa cipya, nangu ici Hela kulya cipilibula “icibumbwa icipya.” Imwe mwapangwa cipya cipya. Amaka yakwa Lesa yaisa pali imwe, kabili mwapangwa, icibumbwa cipya; ico icileta umubili onse, icibumbwa ca bumupashi nefintu fyonse, mukunakila ku Cebo cakwa Lesa. Te musango umbi!

⁹⁸ Kuti mwalanda shani ukutila muli bena Kristu, kabili tamubela i Cebo Cakwe mucintu cimo? Uyo onse uushanakile amalango muli cimo—cimo iciputulwa ca Yena, ali nomulandu pali Yonse. Uyo onse! Yesu atile, “Umuntu te kumukate weka akekalila nomweo, lelo ku Cebo conse icifuma kukanwa kakwa Lesa.” Te ciputulwafye ca Fyebo; i Cebo conse! Ico Alandile mu Kusokolola chapitala 2, “Uyo onse ukafumya i Cebo cimo ukufuma muli ili Buuku, nangu ukulundako icebo cimo kuli Cena, icakaniko cakwe—cakwe cikafumishiwa mwi Buuku lya Mweo.” Ifwe tatulingile ukufumyako kuli Baibele, nangu ukulundako kuli Cena. Landeni fye ifyo Cena calanda.

⁹⁹ Kabili mubena Kolinto Wacimo 12, Cena catile, “Ku Mupashi umo ifwe bonse twalibatishiwa mu Mubili umo.”

¹⁰⁰ Nomba panuma mwaba muli uyu Mubili, Abena Roma 8:1 yatila, “E ico takwaba nomba ukwebaulwa kuli abo abali muli Kristu Yesu, abo abashendela umwabela umubili, lelo umwabela u Mupashi.” Kwaliba incende iyo takwaba ukusekwa. Nangu cakutila uya kuli ba Methodist, ba Baptist, ichalichi caba Presbyteriani, konse uko cingaba; nga mwaba muli Kristu, muli cibumbwa cipya, kabili tamuli ukusekwa muli imwe, awe nakalya. Iyo encende yakukumaninapo iyakwa Lesa. Apo epo Lesa akumanishisha kapepa. Palya epo upendelwa ku cibumbwa cipya, pantu balifwa kufintu ifya mwisonde. Baba aba mweo muli Ena. Ukubapo kwakwa Lesa uwa mweo kuli pamo nabena, cila bushiku.

¹⁰¹ Ekala muli fyena, ukupita munkulo ili yonse. Cila nkulo iyo yaishile, muli Baibele, lintu umuntu akumanya ico Lesa alefwaya, ukwisa mu ncende umo Apele mu Cebo Cakwe icalembwa ica bulya bushiku, Lesa apanga ulya muntu ukuba icibumbwa cipya, kabili ena takwata ukusekwa. Lolesheni pali Yobo.

¹⁰² Bushe Ndemikomeka amatwi, munshila Mbelelemo muli ifi ifisoselo? Munjeleleko pali ico. Ninjishiba ukutila tacileumfwika bwino muno. Ning’umfwa na ine, palwandi.

¹⁰³ Lelo, lolesheni. Yobo, te mulandu nibanga abantu abesha abalemwebaula, nibanga baletila alipangile icilubo, alesunga amafunde yakwa Lesa, kuli lilya ilambo ilyakoca. Alishibe ukutila aali uwalungamikwa, pantu alesunga amafunde yakwa Lesa. Ulya e musango ena alungamikwe, pantu alecita ifintu ifyo Lesa alefwaya ena ukucita.

104 Ukvamweo Ukubapo kwakwa Lesa ulabalikila akasuba, cila bushiku, ukufuma kumfwa yafisumino, kabili ku Mweo kabili ku Cebo icabushiku. Nomba, Lesa alikwata ifintu ifyo Acita.

105 Nga a—akaliluba akanono, nga fintu Nalandile ulucelo lumbi pacakulya calucelo. Ilyo ulubuto lwaisa mulubuuto, lutendeka ukukula. Lwena lunwa ukufuma kukafukauka kakwa Lesa, lutwalilila ukulunka mpaka lwafika kuciputulwa calibula ukutula, Kkesa mukuba iluba, mpaka lyabalula.

106 Nomba tulesanga ukutila, ilyo twatendeka na Kristu, tukula mumusango umo wine, pantu ifwe tukulila mu kusenamina nokukoselesha kwa kwa Lesa.

107 Ubutantiko fye ubwa kwa Lesa ubwapelwa, ku nkulo ili yonse, caba Cebo Cakwe. Umwana Wakwe alishile no kulangisha ubulayo bonse ubo bwalailwe ku nkulo Yakwe. Bakasesema bonse baishile panshita fye iyalinga, bena bali Cebo cakwa Lesa ukwikala pesonde. Bena bali Cebo. Yesu atile bena bali “imilungu.” Yesu aitile balya bakasesema, “imilungu.”

108 Umwaume alinkumenye mukulongana kwa kulekelesha uko Nakwete, atile, “Iwe uli mulanda kasambilila wafyabulesa.”

109 Kabili Natile, “Nshiilumbula ukuba umo.” Natile, “I Cebo tacisa kuli kasambilila wafyabulesa; amasambililo yafyabulesa eyacita ico.” I Cebo cisa. . . Mwamona? Natile, “Amasambililo yafyabulesa e yesa kuli kasambilila wafyabulesa. Lelo,” Natile, “tulelanda pacintu cimbi.”

110 Nomba tulesanga ukutila, muli cila nkulo, ilyo Lesa alandile ukutila icintu cimo cikacitika, uyo aisa umuntu nokucilenga ukumoneka, uko kwaisa abantu abesa mukwikala ico. Ulya ali ni Lesa Umwine uwaikele mubantu, pantu califye ukwasuka kwa Cebo Cakwe.

111 Nomba, inshila fye iyapelwa na Lesa nefyatantikwa ifyapelwa fye, ileelo, Mwana Wakwe, ukupitila mu Cebo Cakwe ica ino nkulo, ukuletwa ku mweo ku Mupashi wa Mweo Wakwe, ukuletwa ku mweo.

112 Nomba twalikwata amasukulu yakalamba aya masambililo ya mipepele. Kabili ne nshita ishingi lintu twacita ico. . . Tapali nangu cimo icakulwisha ico, icine cine iyo. Lelo, mwamona, ilyo mwakwata isukulu lya masambililo yafyabulesa. . .

113 Yesu atile, muli Yohane Washila 4, “Inshita ileisa, kabili nomba ili, ilyo Lesa, pakuba Umupashi, akalapepwa mu Mupashi na mu Cine.” Nomba abantu bamo balikwata Umupashi, ukwabula Icine. Bambi balikwata Icine, tabakwete Umupashi.

114 E ico caba fye kwati nga twalikwete motoka iikalamba, twaleya kumo muli Kadillaki. Kabili yonse yabili ama Kadillaki yapangilwe fye ayapalana, kabili twaliyasunkile kunse uku

kabili ifwe...ukiufika ku ma tanki, kabili twaliswishemo amafuta. Kabili mwaesha ukulisha kabili mwaesha ukulisha imo. Ukuba, mwalolesha, mwatila, “Icipuna cilifye bwino. Icakwenseshako califye bwino, calikwata amanati ya diamondi muli cena. Kabili cili bwino, icayemba. Oh, mwaikala nokulala.” Kabili, oh, ifintu ifingi ifyo mwingacita, cila cimo, lelo, mwamona, cimo muli fyena...Fyonse fyalibikwa pamo bwino, lelo cimo ecakwata icakwensha. Mulemona, imwe limbi kuti mwaishiba ifibombelo, lelo cisenda amaka yakwensha ukutendeka imibombele, ukulenga fyena ukubomba.

115 Kabili bulya e bwaba ubwafya nechalichi ileelo. Ifwe tuli abaisushiwamo namasambililo yafyabulesa, ukwabula amaka ayali yonse ayakwenda muli cena. Ico nacilungama. Mwamona?

116 Mumashiwi yambi, ufwile wakwata akamulilo kumafuta, nga teifyo amafuta yena...Yena tayafikile nakumenshi, nga cakuti tayakwete umulilo kuli yena uwakuti yatampe ukupya. Eico, e nshila iyo.

117 Te mulandu ifyo twingasambilishiwa, ifyo twingacetekela bwino, kabili ubwingi bwa Baibele ubo tulanda ukutila cishinka, kabili ifwe twalicetekela yena yonse ukutila yacine, cilingile ukuba a—amaka yakwensha ico yalingile ukuba kulya, umulilo, ukubika i Cebo pa mulilo, ukulenga cena ukutendeka ukukukuluka. Cena cilingile ukukwata ico. Nga tamukwete ico, chalichi ikala shilili, chalichi ikala shilili, muli nokwikala shilili. Lelo te mulandu ifyo muletila, “Ndi uwacitungilila. Nalicetekela i Cebo conse ica Ico.” Ufwile wakwata icintu cimon icakukosha ico, ukulenga yalya amenshi ayali umwanda umo ukufika kukwaka, kabili ne Chalichi icakwa Lesa icikalamba ukuya cileenda ukutwalilila. Cena cilingile ukusenda amaka yakwenda nefyela pamo. Tapali nangu cimo icilubene ne fyela, lelo kubulisha amaka yakwenda.

118 Kabili Ndetontonkanya ukutila bulya e bwaba ubwafya nechalichi ileelo, twalibulisha yalya maka ayakwenda, ukufumyamo ici Cebo nokulenga Cena ukwikalila buno bushiku.

119 Martin Luther alikwete ifibombelo namaka yakwenda, ayabushiku bwakwe. John Wesley alifikwete, mu bushiku bwakwe. Ba Pentecosti baliyakwete, pa bushiku bwabo.

120 Nga palwa bushiku bwesu? Ino ni nshita imbi! I Chalichi cifwile cakula umupwilapo nomba, icaipekanya ukuya mukukumanya Kristu, ne filangisho ifya mapalo yonse ayo Alaile muli Baibele, ukubomba muli ulya umo Mubili ukalamba umo Alaile ukuti Akakumanya abantu nokupepwa, muli ici Chalichi cikalamba i Cakwe.

121 Lelo, mwamona, tulatuma abana besu kusukulu, tulasambilila ukubelenga, ukulemba, ne nsamushi, ilyashi

lyonse ilya bakasesema ne fintu fyonse. Ico nacilungama, lelo kano iwe naukwata icintu cimo kunuma yaico!

122 “Oh,” mwatila, “ukuba, Na—Nalibilikishe. Nalilandile mu ndimi.” Ico cisuma. Nalicetekela ico, na ine. Lelo ico te co Ndelandapo nomba. Mwamona, imwe muli—imwe muli. . .cena cili nokusabuka. Mutila, “Planki-planki, boomp-boomp,” nga motoka yakale iilefwaya ukutampa ukwenda. Mwatila, “Ee, Nacetekela *ici*. Nacetekela *ico*, naco. Lelo, lelo ilyo caisa kuli *ici*, shilya inshiku, oh, iyo. Iyo!”

123 Endela namenshi umwanda, munyina, necakufumya umulilo kunuma yakwe, cena cili nokufumya i Cebo conse icakwa Lesa kubulayo bwa Ciko. Ico nacilungama.

124 Bulya e bwaba ubwafya na ifwe ileelo, ifwe mupepi nokwisa iminina. Ifwe tulefwaya ukucetekela *ici*, ukucetekela *ico*.

125 Ndalanda icintu cimo, palwa Ici. “Ukuba, Nshishibe.” Ukuba, Baibele efyo yalanda! Ecilepwisha ico. Nga Lesa efyo alanda, cena caba kulya ukucitwa. Nga ifwe. . .Nga cakuti ifyo efyo Lesa alandile ukucita, tulingile ukucita ico. Ikalafye apo mpaka Lesa acilasa, kabili mkulugatana watampa ukufyensa, mwamona. Nga cakuti tamucitile ico, amapulagi ninshi yakwata ifiko. Eico tulefwaya icintu icapusanako, tulekabila icintu cimo icakutwasha twatampa ukwenda.

126 Nomba moneni, Tesamofye ukupitila muli Mupashi wa Mushilo, nokusambilila ukwa Cebo Cakwe, Ena alalangisha cilya Cebo. Nomba ibukisheni, bakasesema balicetekela i Cebo. Bena balapokelela i Cebo cakwa Lesa. Kabili Lesa Mupashi wa Mushilo aishile muli bena nokwasha bulya ubulayo, no kucilenga ukufikilishiwa. Oh, owe! Nani ukasusha ico?

127 Yesu atile, “Nani uwinga Njebaula pa lubembu? *Ulubembu* ku ‘kukana cetekela.’ Conse ico Lesa alembele kabili na conse ico bakasesema balandile, Nine Ubwasuko. Ico balandile ukuti Nkacita, Ndacita.” Ena aishile nga kasesema, Umwana wa muntu. Bwino bwinofye fintu Aali, kabili ifyo Ashininkishe ukuba. Ena efyo aali. Mulandu nshi? Amaka yakwenda yali kulya kumulilo ukwasha ifibombelo. Ena ewali fibombelo, Umwana Umwine, kabili Taata ali amaka yakwenda. “Te Ine ulebomba imilimo, ni Taata Wandi uwikala muli Ine. Ena alasabusha a—a—amaka nokulenga icintu ukutwalilila. Ena alacileta mukufikilishiwa.”

128 “Ni lilali ilyo Natalile landa icintu icili conse. . .” Nga fintu Samwele alandile panshita imo kubantu, “Bushe Nalitala mwebapo icintu icili conse, mwi Shina lyakwa Shikulu, lelo ico icifikilishiwa?” Mwamona? “Ni lilali Natalile cilanda, kabili ni lilali cena tacakene ukufikilishiwa?”

129 “Oh, imwe, ifyo mwatwebele falifikilishiwa, lelo tulefwaya imfumu nangu cibe fyo.”

¹³⁰ Uyo e musango cabelamo ileelo. Abantu bafwaya ukwikatililila kumamatontonkanyo yabo ayanono. Bafwaya ukwikatililila kufisumino fyabo. Bafwaya ukwikatililila kuli ici. Nomba ukulanda pakupuputula mubushiku bwesu, kuti twakwata shani ukupuputulwa ilyo calyonaulwa mumusango cabelamo? Amfuta ayo babikamo amenshi nafyonse ifintu fimbi muli cena, imisango yapusana pusana iyamasopo nafyonse ifyanomba ifintu balisakanya muli cena.

¹³¹ Naleisa mumusebo ubushiku bumo, kabili catile, palwesopo limo ilyanomba, catile “Tamufwile ukusuka imbale, icintu fye cimo ico mulingile ukucita kushibika mulya nokushifumyamo.”

¹³² Natontonkenye ukutila, “Nkaba kacimfya mu ng’anda yandi.” Nkaya sendako akabokoshi ka ifi fintu.

¹³³ Kabili Natile ku mukashi wandi, “Ingila mukati, wemutemwikwa, leka nsuke imbale.”

¹³⁴ Natontonkenye ukutila, “Mune, balya abalumendo balishiba ico balelandapo, balya aba sayansi. Ndi no kumulangisha ifyo tubomba. Ndi, aka...mpaka acikata ici, ifyo Ndecita. Ukubikamofye nokufumyamo, ifyo eflyo ufwilefye ukucita.”

¹³⁵ Abana balile amani pacakulya ca lucelo. Kabili Napongolwela ili sopo mulya, nokuitumpikamo, no kufumyamo, no kuitumpikamo no kufumyamo. Yalifye mani mani. Ee, mukwai. Nshietekela icintu icili conse ico Naumfwa pacitunshi tunshi, nakabili. Iyo, mukwai. Iyo, iyo. Iyo, mucine.

¹³⁶ Uyu e mulandu wine Nshacetekela imibombebele yonse iyapangwa no muntu ukwiminina. Lesa alikwata inshila imo iyapelwa. Teba Methodist, ba Baptist, ba Presbyteriani; lelo ni Yesu Kristu, ku Kufyalwa cipya cipya, ukucetekela ilya Baibebele. Iyo ninshila yakwa Lesa iyapelwa, kabili inshila fye imo iyo Ena akwata, yaba muli Yesu Kristu, Umwana Wakwe. Kabili, mu Mwana Wakwe, Abikile i Shina Lyakwe. Ilyakwe, i Shina lyakwa Lesa ni Yesu, pantu Aishile mwi Shina lyakwa Wishi Wakwe. Kabili e ico ilyo kuti lyaba i Shina lyakwa Lesa, pantu Aali ni Lesa.

¹³⁷ Nomba moneni, ilyo aya maka ayakalamba ayakwenda ayakwa Lesa yaisa mumwana wakwa Lesa, yamulenga ukuba nomweo, u Mupashi wa Mweo wingila muli ena. Lyena ni cinshi ico cena cicita? Cena cilebabika mulya mu ncende sha mu Myulu, ino ine nshita. Te bena “bakaba.” Ifwe tuli nomba. Nomba ifwe twalibuka kale, amaka yakwenda kabili ifibombelo nafiya mukubomba, ukutulenga ukuba abamweo, kabili ifwe twaliletwa ku mweo mu Kubapo kwakwa Lesa, umo Mupashi Wakwe waba. Kabili nomba natwikala capamo muncende sha mu Myulu, muli Kristu Yesu; muli Kristu Yesu, ukwikala mulya, cilya ciipuna icikalamba ica...ico caashiwa kale, calibushiwe ukufuma kubafwa. Ifwe tuli ciputulwa ca cena. Nga imwe muli ciputulwa cakwa Nabwinga, imwe mwaba, pantu Nabwinga

aba iciputulwa cakwa Shibwinga, namwishiba. E ico tulesanga ukutula cena cintu cimo cine, kabili Ena ali nokucita bwino bwino fye ifyo ifyalandilwe kabela kuli Ena ukucita muli buno bushiku. Ena takabe Laodekiya, takabe munshila yonse uwacifule fule. Lelo Ena akaba uwaaka kumuilimo wakwa Lesa, Ena akalaenda ukuya mu Mupashi wakwa Lesa.

¹³⁸ Nomba ifwe tulelolesha pano ukuti tusange. Nomba lekeni ifwe, nomba pali ino ine nshita iyo cena cilecita ico, ukutula citwashe; kabili, lintu, ifwe panshita imo twali abafwa mulubembu nokulufyanya, ukufyanya, ukucila, Ena...ifwe twaliletwa ku mweo capamo ku Cebo Cakwe ica ino nkulo.

¹³⁹ Nomba lekeni tutontokanye palwa kulya kunuma munshita shakale, pa muntu umo uyo waletelwe kumweo kuli ici Cebo; ilyo fye tatulakwata ukulongana kwa mapepo ukwabalwele. Natubule abantu abanono, lolesheni imibebe yabo.

¹⁴⁰ Lekeni tusende umuntu pano uyo wasungile i Cebo cakwa Lesa conse, ukubwekela mu Cipangano ca Kale, uwe shina lyakwa Enoki. Aletelwe ku mweo nganshi ku Cebo cakwa Lesa, ukutula alikwete ubunte, ukutula, "Asekesho Lesa." Takwali icintu nangu cimo ico Lesa aebele Enoki ukucita kano fye ifyo acitile.

¹⁴¹ Ndeingililamo nibanga ba Enoki abengaba pano muno cungulo kasuba, ukutula, nga namwishiba ukutula cili mu Cebo cakwa Lesa? Nibanga muli imwe banamayo ababeya imishishi abanga ita ati niba ba Enoki, mwamona, mwamona, kabili mwalishiba ukutula Lesa alasusha ico? Nibanga mwebaume, ababaleka banamayo balecita ico, muita ati nimwe ba Enoki? Oh, owe! Ico cintu fye cimo, nga palwa makana? Kabili ifwe tulashima, twatila, "Naba kuli *ici*, kabili Naba kuli *ico*." Kuti mwaba kuli ico, lelo...mpaka mwaisa muncende iyapelwa na Lesa! Kabili imwe tekuti mwingile mulya kano fye mwaba iciputulwa ca cilya Cebo. Kabili, ukuba iciputulwa ca Cena, imwe muba fyonse ifya Cena, ukunakila fyonse. Moneni, natukwata ici pano ico Baibele ita "i Cebo cakwa Lesa," kabili, icaba, cena Cebo cakwa Lesa.

¹⁴² Nomba tulesanga ukutula Enoki aishile munshila iyapelwa na Lesa, ne Cebo Cakwe, kabili aendele imyaka imyanda isano, noku Musekesha. Kabili tulesanga ukutula imibombebe yali iyapwililika nganshi muli ena, ukutula ilyo amaka yakwenda yaishile mukubomba muli injini, Yena yamufumishe fye pesonde. Aninine indeke yakubalilapo, kwati, ukuya ku Muulu. Ukubomba pa fibombelo fyakwa Lesa na maka yakwenda, capamo, "ena tali," pantu Lesa alimufumishe pesonde, ukwabula imfwa. Ico nacilungama nganshi. Ena aleenda munshila iyapelwa na Lesa.

¹⁴³ Icintu cimo cine tulesanga pali Eliya. Eliya umukote aishile kalipila abengi nganshi balya abapentwa ifinso ba

Yesabele, nemishishi isha beyewa, kabili nafimbipo, ukutila bena balebomfya pali bulya bushiku, umwaume umukote aposele umweo wakwe ukwebaula ulubembu mukati ka balya abanakashi, pantu balikwete umwanakashi, Yesabele, nga icakumwenako.

¹⁴⁴ Nga fintu Hollywood yenu yakwata, nokusenda bankashi baponena muli cilya kunse kulya. Kabili, Yesebele acili uwamweo, imwe kuti mwalolesha fye mumbali kabili kuti mwamona ukutila wamweo. Kabili ena acili mumaka ayakalamba, nao.

¹⁴⁵ Nomba tulesanga ukuti, umuntu umukote ukuba kasesema, ena alitipile cilya cintu nefintu fyonse, aikele bwino bwino mubufwayo bwakwa Lesa. Ilyo bonse abashala bakashimikila banakile, ena aikele fye palya pene na Cena.

¹⁴⁶ Kabili ubushiku bumo alinakile nganshi, ukutila, Lesa atumine iceleta ukufuma ku Muulu, nabakabalwe bamulilo, nokumusenda. Ena ali uwaisushiwa nganshi nayalya maka ayaleta ku mweo! Tontonkanyeni fye, ne Cebo cakwa Lesa mu mutima wakwe, aishileba uwaisushiwa nganshi nayalya maka ayaleta kumweo uyo yamuletele kumweo!

¹⁴⁷ “Ngo Mupashi wakwa Lesa, Ena...” Ndecetekela tulesanga mu Bena Roma, 11, atemwa, 1:1, “Nga,” iletila, “Ngo Mupashi...” Nangu, Abena Roma 8:11, eyo, “Ngo Mupashi uyo wabushishe Yesu kubafwa waikala muli imwe, Uli nokaleta kumweo imibili yenu iyamfwa. Ngo Mupashi uwabushishe Yesu ukufuma kubafwa, nga—nga Ena uli muli imwe, Wena ukaleta kumweo imibili yenu iyamfwa.”

¹⁴⁸ Uku uleta ku mweo! Ni cinshi ico ishiwi *ukucincimusha* lipilibula? Ishiwi Iya ci Greek lipilibula, “ukuletwa kumweo panuma yamfwa.” Alelluya. Ilya palya nimpongolo yakupepelamo. Ukushinshimuna mu Mupashi namu Cine, ifyela namaka yakwensha, capamo. Mwamona ico Ndepilibula?

¹⁴⁹ “Ngo Mupashi uyo wabushishe Yesu ukufuma kubafwa waikala muli imwe, Kulalenga ukuba nomweo, ukumilengwa abamweo, imibili yenu iyamfwa, pantu Wena kale Mweo.” Kabili lintu Cena caisa mumubili obe, Cena cileta umubili obe onse ukunakila kuli Ico. Ukunakila kuli cinshi? I Cebo cakwa Lesa. “Nga cili muli imwe.”

¹⁵⁰ Nomba nga cena cintu cimo muli imwe, icilemweba, “Ukuba, shilya shali ninshiku ishapita. Kabili Mako 16 tayaba iyacine, kabili lilye Iyano Ilya Pentecosti Ilyalubatisho Iwa Mupashi wa Mushilo.” Ulya te Mupashi wakwa Lesa muli imwe. Nshilesakamana ifyo mwasambilishiwa mumaka, imwe, ulya te Mupashi wakwa Lesa. Mwatila, “Ukuba, bamayo bali kuli *ici*, kabili batata, imyaka yonse, kabili munyinane.” Conse ico ulefwaya ukulanda paba lupwa lobe, nefyaba ngefyo, ico limbi califye bwino pamo nabena; lelo cena tacili cenu, mwamona,

imwe mulingile ukwisa muli Kristu Yesu, kuli iyi nkulo kabili ubulayo bwalingilwa iyi nkulo.

151 Moneni, tulesanga ukutla aya maka ayakalamba ayacincimusha yaumine Enoki, yena yamucincimwishe ena kabili aile ku Mushi ukwabula ukufwa.

152 Yena yaumine Eliya, yamucincimwishe mpaka aile ku Mushi ukwabula ukufwa.

153 Tulesanga ukutla impyani yakwe ali ni Elisha, uyo waba icipasho kulya cakwa Kristu na i Chalichi, Elisha. Eliya alicitile ifisungusho fine, kabili Elisha acitile ifisungusho cine conse konse. Ena akwete icipandwa pabili, nga filya apongolwele pa Chalichi. [Tapali amashiwi pali tepu—Kale.] Panuma bakwete umuntu uwafwa, bamuposele pamulu wa mafupa yakwe, kabili ali abwelele kukuba uwa mweo. Yalya amaka yakucincimusha yali mu nshishi pamo nankwe. Imwe tekuti . . .

154 Yena lyonse yaba palya, ilyo mwakwata yalya amaka yakucincimusha ayakwa Lesa, ukuba uwancimushiwa pamo Nankwe nomba.

155 Nomba ibukisheni, muli Kristu, ifwe tuli mubili wa mubili Wakwe, ifupa lya mafupa Yakwe. Ilyo Lesa acenene Kristu pa Kalbale, Ena acenenwe ine na imwe. Ifwe tuli mubili wa mubili Wakwe, kabili ifupa lye fupa Lyakwe, umubili wa mubili Wakwe, i Shina lye Shina Lyakwe, Nabwanga Wakwe. Mwamona, ifwe twaba muli Ena, ifwe tuli mubili Wakwe na mafupa Yakwe.

156 Kabili Lesa alitubusha kale, mucituntulu. Amaka ayacincimusha ayatubushishe ukufuma ku bumi bwa lubembu, kabili ukupilibula ubuntu bwesu, cena mucituntulu calitwimya muli Kristu Yesu, ico, ukubuka kukatuleta mukukula ukwapwililika.

157 Nomba ibukisheni, ifwe twafwile mwi shina lyesu fwe bene, twalishikilwe, na uku bushiwa mu Lyakwe. Mwamona, ifwe tatuli nakabili palwesu. Icaba, lilya i Shina ilikalamba ilya “Yesu Kristu” ilyo Baibele yalanda umu mu Bena Efese 1:21, ukutla, “Indupwa shonse shibili, mu Muulu na pe sonde, shainikwa kuli lilya i Shina.” Kulya eko Lesa abikile i Shina Lyakwe. Lilya li Shina lya lupwa mu Muulu. Lilya e Shina lya lupwa pe sonde.

158 Kabili ifwe twaba muli Yesu Kristu, ku lubatisho lwa ku mupashi, te ku menshi; ku Mupashi, ifwe twalibatishiwa mu Mubili umo, uyo uli ni Kristu, incende ya kupepelamo. Nomba, pakuba mulya, ifwe tuleba pali uyu mushili, caba kwati ni nkalata ya citupa.

159 Mwatila, “Nalishita icipandwa ca mushili.” Cena tacili cenu nomba mpaka imwe mwakwata icitupa icalembwa. Lelo nga na mukwata icitupa icalembwa, cilangisha ukutla ifintu fyonse ifyatatile ukususha cilya icipandwa ca mushili nafifumishiwapo.

¹⁶⁰ Kabili nomba lintu iwe waba umwina Kristu kabili wakupokelela Kristu nga u Mupusushi obe, lyena, ilyo Lesa atuma icitupa calembwa, cilelangisha ukutila te mulandu ifyo bawiso bacitile, nangu ifyo banoko bacitile, ifyo muntu uuli onse acitile; ba noko, batata limbi bali ba cakolwa, ba cilende; fyonse fintu cali, ulubembu lonse lwalifumishwapo! Walikwata inkalata ya citupa. Tapali nangu cimo icingakufumya pali cilya. Kabili, lolesha, ifintu fyonse ifili pali ulya mushili fyobe! Amen. Kabili ilyo uli muli Kristu Yesu, ku lubatisho lwa Mupashi wa Mushilo, ica bupe conse icakwa Lesa caba mu Chalichi. Amen. Cena citupa ca kushitilapo icalembwa. Imwe, yena yenu, yena yenu. Cena cilacincimusha imibili yenu iya mfwa. Oh, mwe, nga ifwe kuti twatontonkanya pali cena!

¹⁶¹ Leken i tumone balya abacishinka munshita ya Pentecosti. Bonse bali mumuputule wapamuulu palya, kabili bonse baletina. Balikwete, balikwete i-icakulumbwilako, cisuma, lelo bali nomwenso. “Kabili pamuku fye umo kwaishile iciunda ukufuma ku Muulu,” icitupa cabumwine icatuminwe kuli bena, “ngo mwela uwacipupu icikalamba, caiswishe ng’anda yonse umo baikele.” Kabili bena balengelwe aba mweo nganshi kuli Cilya, mpaka bucamwenso bwabo bonse bwali... Umo muli bena ali nomwenso, icakuti alikana ukutila talati abe umu Fariseo, nangu ena talati abe umu Saduke. Lelo ilyo ulya Mupashi wa Mushilo wawile nokumubatisha muli Yesu Kristu, ena aishileba umunofu wa munofu Wakwe, ifupa lye fupa Lyakwe, i Cebo ca Cebo Cakwe. Ena ali cibumbwa cipya. Ena ali umuntu umupya. Cena caletele ku mweo umubili wakwe.

¹⁶² Lolesheni ifyo Cacitile, ifyo Cicita kuli imwe ilyo Caisamo. Tacimulenga ukuya kulya nokutila, “Ndi Methodist. Ndi Baptist. Oh, Ninjishiba ukutila Nshilingile ukupeepa. Nshilingile ukukwata *ici*. Nshifwile ukufwala umusango wafyakufwala uyo. Nshifwile ukucita *ici*. Nshifwile ukucita *ico*.” Wena ulamupela umweo mpaka mwacita ico. Wena ulapela umweo kumibili yenu iyamfwa.

¹⁶³ Lolesheni, Yena yaletete kumweo imibili yabo, mpaka bena bapupukile mupepi nganshi ku Muulu mpaka Wena wapele umweo kumibili yabo ukulandila mululimi ulo tabatalile umfwapo nakalya. Yena yaletete ku mweo imibili yabo, bena balandile mululimi lupya ulwa mu Muulu. Bena balengelwe aba mweo ukwingila mu Kubapo kwakwa Lesa, ukupitila mulubatisho lwa Mupashi wa Mushilo. Amaka yakwa Lesa ayapelo mweo yalibabatishe muli ico. Bena bali muncende yakupepelamo ilyo. Bena bali uko bena bengashinshimuna. Sanhedrini nangu icintu cimbi icashala ukutala bacusha, pantu bena baliletelwe ku mweo. Bali abantu abapya. Ico cali panuma yabena ukubatishiwa.

¹⁶⁴ Lolesheni pali Stefano umunono. Ena aishile munshila iyapelwa na Lesa, aletelwe kumweo kumaka yakwa Lesa; ukwisa

mumpongolo, inshila iyapelwa na Lesa. Kabili nangula ilyo baile mukumwipaya, ukumupola amabwe kumfwa, atile, “Nimona Imyulu naisulwa, Yesu naiminina kukuboko kwakukulyo kwakwa Lesa.” Yalya maka ayaleta kumweo. Aletelwe kumweo mucifuba Cakwe.

¹⁶⁵ Kwaliko Filipi, naumbi uwaisula namaka ayapela umweo. Twamusanga kwisamba kulya ku Samaliya, nakwata ukupuputulwa ukukalamba. Aya maka ayakalamba ayapela umweo, panuma ena ukuba muli Kristu, aishile uko akwete abantu amakana abalekutika kuli ena. Kabili Atile, “Nomba fumeni muno, Filipo, Ndefwaya iwe uye muli ici ciswebebe, mu Gaza, muno. Ninkwata ukuntu kunse uko, uo ndefwaya ukumanye.” Kabili takwali ilipusho, takwali ilipusho nakalya, ena ali uwaisushiwa nayalya amaka ayaleta ku mweo. Ali muli Kristu, ali muncende iyapelwa umu Lesa engalanda kuli ena. Lesa alandile kuli ena. Takwali ilipusho.

¹⁶⁶ Mwatila, “Ukuba, Alandile kuli ine nokunjeba ukutila Nali nokundapwa, lelo, Nshishibe nomba, Ndeumfwa ububi nganshi ileelo.” Oh, owe! “Ukuba, Alinjebela ukutila Nalikwete Mupashi wa Mushilo, kabili inshita shimo ine mucine Ndatwishika ico.”

¹⁶⁷ Filipo alishibe bwino bwino i Shiwi lyakwa Lesa, pantu aishile inshila iyapelwa na Lesa. Ena taipwishe Lesa, palwa, “Ukuba, Lesa, Ninkwata abengi pano, Mfwile naiminina. Ningile ukumona cilolo uwabuteko ilyo Nshilacita ico. Ningile ukulanda kuli ba bishopu,” tacali nangu cimo palwa cena. Alefwaya Lesa, mulya mwine muciswebebe aile!

¹⁶⁸ Asangile umuntu umu, muntungwi, umwina Ethiopia, umuntu umusweshi aleisa, ukubelenga Amalembu muli Esaya. Kabili atile, “Bushe muleumfwa ifyo mulebelenga?”

Atile, “Musango nshi Ningomfwilamo kano fye umuntu umu kuti ansambilisha?”

¹⁶⁹ Filipo aninine peceleta nokutendeka ukulanda kuli ena palwa kwa Shikulu.

¹⁷⁰ Atile, “Amenshi aya pano, cinshi cingandesha ukubatishiwa?”

¹⁷¹ Atile, “Nga wacetekela nomutima obe onse, umweo obe onse namano, amaka.” Alikile peceleta nokumubatisha.

¹⁷² Kabili Filipi ali uwaisushiwamo nganshi nayalya amaka ayaleta ku mweo, mpaka, Ena alimwikete ukufuma mucinso cakwe. Tontonkanyeni! Mu mubili wakwe uufwa, umubili wakwe uwacifyalilwa walyulwilwe, ukufuma mucinso cakwa mutungwi. Ndecetekela ico ukuba icine. Lesa kuti amusenda kuncende imbi, uko Ena alemukabila. Ena alyulwilwe.

¹⁷³ Namwishiba, imfwa tekuti ifumyepo cilya cintu pali imwe, ilyo muli muli Kristu, mucifulo cakwa Lesa.

¹⁷⁴ Lolesheni apa, Mose alicikwete ici. Aali ni kasesema untu i Cebo cakwa Shikulu caishileko. Takuli abengi... nibanga ba Kora abaimine nokutila, “Tulekabila akabungwe akakalamba. Nomba uleesha ukusenda incende iyakuba fye umuntu uwamushilo eka.” Lesa atile, “Ipatule we mwine, Nalamumina fye.” Kabili ba Dathani, kabili nabambipo, tabamusakamike, alitwalilile fye ukuya pantanshi.

¹⁷⁵ Kabili ilyo Mose afwile kabili ashikilwe, kuli ba Malaika, yalya maka ayaleta kumweo yali pali ena. Pantu, panuma ya myaka imyanda cine konse konse, uyu ali apa mulya mucalo cabulayo, alelanda na Yesu. Yalya maka ayaleta ku mweo yali yacili pali ena. Ilya e ncende yakwa Lesa iyakupepelamo.

¹⁷⁶ “Mwatila shani? Musango nshi waishiba?” Aali ni kasesema. I Cebo caishile kuli kasesema. Kabili ena aali Cebo cakwa Lesa icalangishiwa icamunkulo yakwe. Ameni.

¹⁷⁷ Mwamona, imwe tekuti mufwe, imwe mwalilengwa ukuba abamweo. Oh, ng chalichi kuti camona fye ico, ukutila tei fyo imwe mukaba, imwe kale mwaliba ico! Cena ni ciwa ukweshwa ukukwibila ukufuma kuli ico.

¹⁷⁸ “Ukuba,” mwatila, “nomba Nalakweba. Naba kuli *ici*.” Nshilesakamana uko waba.

¹⁷⁹ Imwe mulingile ukufyalwa, abapangwa cipya cipya, ukubatishiwa na Mupashi wa Mushilo, muli Yesu Kristu, ukuletwa ku mweo ku Cebo conse. Umupashi wenu, muli imwe, ukasuminisha “ameni” ku Cebo conse ica Baibele. Kunse ya ico, nga cena—nga cena casunkanya umutwe waciko pali umo, imwe mulafumyapo ulyo mupashi. Cena te Mupashi wakwa Lesa uyo wingatalika i Cebo cakwa Lesa. Cena cili nokusunga i Cebo cakwa Lesa. Tacicetekela fye Cena, lelo Cena cilalenga Cena ukuba nomweo. Cena cilangisha i Cebo cakwa Lesa. Ee, mukwai.

¹⁸⁰ Natumone nabalya abashila abamu Cipangano Cakale. Ulubali lumbi, pesamba lyelambo lyakale, bena balelelela uyu umupya ukwisa, alikwete kampingu umusuma ukulola kuli Lesa. Muli Mateo 27, balitweba ukutila, ilyo Yesu abukile nokufuma munshishi. Ico, twalesefya fye imilungu inono iyapitapo, Ipasaka. Baibele itila ukuti, “Abengi aba mushilo abo abalele mulukungu lwamushili, ukubuka Kwakwe, kabili baishile mumusumba nokumonekela kubengi.” Bena bali cinshi? Bena bali kumonekela kwa Cebo cakwa Lesa icalaiwa. Incende fye yeka iyo Lesa akumanishapo, ukupitila muli lilya ilambo.

¹⁸¹ Nomba mu bena Tesalonika Wakubalilapo 4:16, Baibele itila, nayo, ukutila abamushilo aba mu Cipangano Cipy a bakesaisa pamo Nankwe ilyo Akesa nakabili, balya abo abaletwa kumweo muli Ena nomba. Musango nshi mwingila muli Ena? Kulubatisho lwa bumupashi, amaka yakwa Lesa, incende iyo Akumanishapo, muli Yesu. Nomba inshila yakwa Yesu iyapelwa na Lesa.

182 Nomba moneni, Yesu ali uwashininkisha nganshi ukutila Ena e wali! Ena alishibe ukutila Aali Mwana wakwa Lesa. Ena alishibe ukutila Afyelwe muli nacisungu. Alishibe ukutila Amalembo yonse yaliilangishe Ayene ukupitila muli Ena. Alishibe ico bwino bwino, mpaka Atile kuli balya bakakula betempile, bulya bushiku, Atile, “Mukonaule ili tempile, kabili Nkalibusha munshiku shitatu.” Tontonkanyeni pali ico. “Lyonauleni, kabili Nkalimya munshiku shitatu.” Mulandu nshi? Cali Cebo icalembwa pali Ena.

183 Davidi atile, “Nshakashe Uwa Mushilo Wandi kumbo, tekusha umweo Wakwe kumbo, kabili Nshakaleke Uwa Mushilo Wandi ukumona ububole.”

184 Nomba, Yesu alishibe ukutila ulya ali ni Ena. Takwali ilipusho mumano Yakwe. Kabili Alishibe ukutila, ama ola amakumi cinelubali na yabili, umubili ulabola, inshita shimo mukati ka ma ola amakumi cinelubali na yabili Ena aali nokubwekela kumweo nakabili, e ico Atile, “Mukonaule ili tempile, Nkalibusha nakabili munshiku shitatu.” Mulandu nshi? I Cebo calembelwe pali Ena. Cena calembelwe pali Ena, pantu Ena ewali ukulangishiwa ukwa Cebo cakwa Lesa icalembwa ica bulya bushiku.

185 Ukuba, kulingile kwaba, alleluya, kufwile kwaba, munyina, kulya kumo, icakwa Lesa i Cebo cakwa Lesa icalangishiwa ileelo. Kabili ico cintu cimo cine, pantu Alandile pali ishi nshiku kabili Alandile ico cikacitika muli shino nshiku. Ena alitweba kale. Ifwe twalishiba ico icili nokucitika. Kabili ifwe tulecimona ukulangishiwa muli imwe, lyena imwe muli mu Chalichi cakwa Lesa. Kunse ka ico, imwe kuti mwaita mwebene, “Methodisti, Baptisti,” icintu inangu cili conse icashala, cena tacakatale bomba. Kwali fye incende imo iyakukumaninapo, iyo nimuli Kristu Yesu. Oh, ileelo, oh, ifyo cili ileelo ukuti Ningamona ico umuntu onse engamona, ukumona ifyakwingilamo, ukubatishiwa. Nabwinga cilundwa ca Mulume wakwe. Chalichi caba iciputulwa ca Cebo, ukulangishiwa.

186 Nomba ci chalichi nshi wabamo? Bushe waba mucilonganino? Nga cakuti emo waba, Nalakweba mukuosa nombwa, waba mu Laodekiya. Lelo nga uli muli Kristu, uli cibumbwa cipya, kabili uli mu Chalichi cakwa Lesa uwamweo, nefilangisho ifya fintu fimo fine ifyo Acitile mubushiku Bwakwe fikabwelela kuno muli buno bushiku, ukucita icintu cimo cine ico Alandile ukuti Cena cikacita. Kanshi, cilya Chalichi ca cine. Wingila muli Cena nolubatisho lwakumupashi, tekuilunda, tekuli fimi ifyashala, lelo pakubatishiwa na Mupashi wa Mushilo ukwingila mu Mubili Wakwe. Cisuma. Yena ninshila fye yakwa Lesa iyapelwa iyo Ena atushila ifwe ukucita, caba ukubatishiwa mu Mubili Wakwe, ku Mupashi Wakwe.

187 Yesu atile, muli Yohane Washila 14:12, “Uyo uwacetekela,

ilyo ena ali muli Ine!” E mulandu wine abantu balandila ukutila inshiku shafisungusho shalipita, e mulandu wine balandila ifi fintu. “Uyo wacetekela muli Ine, te kucetekela pali Ine, lelo cetekeleni muli Ine, imilimo iyo Ncita nao akacita.” Mulandu nshi? Wena Mweo Wakwe. Cena maka Yakwe mufyela Fyakwe, ayo ayali muli imwe, ayo ayangasha, eyalenga cena ukuya nokubomba imilimo iyo alaile ukucita. Nangu, umweo wandi muli Ena, yalindeta ku mweo ukupitila mu Mupashi Wakwe, ukupanga i Cebo Cakwe, ico caba ifibombelo, ukubombela ku maka yakwenda Yakwe. Aba Hebere 13:8, “Yesu Kristu aba cimo cine mailo, ileelo, nomuyayaya.”

¹⁸⁸ Nomba nakabili muli Marko chapitala 17, vesi ya 30, iyakwa Marko Washila. Umfweni, mukwisala. Yesu alilaile ifi fintu munshiku shakulekelesha, ukutila Aba “cimo cine mailo nomuyayaya.” Alilaile, muli Malaki 4, ukuti Ena “akabwesesho imitima yabantu, munshiku shakulekelesha, ukubwekela ku Cicetekelo cabashibo.” Alilaya ico. Alilaile, muncende ishingini nganshi muli Baibele, ifintu ifyo Akacita. “Lelo pakashita akanono ne onde talyaka Mone nakabili, lelo imwe muka Mona; Nkaba naimwe, muli imwe lyonse, mpaka nakumpela ye sonde.” Kabili moneni muli Luka Washila nakabili, 17:30, “Nga fintu cali munshiku sha Sodomu!”

¹⁸⁹ Namwishiba icacitike mu Sodomu? Lolesheni mu California; te mu California fye epela, mu United States; te mu United States mweka, lelo isonde.

¹⁹⁰ Moneni uku ukupen kwamisepela! Mulandu nshi, ifwe twalikwete i...Nalimyebele ubushiku bumbi, bena balefwailisha kulya mumasukulu mu Arizona umo Njikala, kabili eite pecenti yabana mumasukulu balishalila mukutontonkanya. Ni cinshi ico abana babo bakaba? Ifwe tekuti tukwate inkulo naimbi. Ifwe tuli kumpela. Yesu alandile ukutila ifi fintu fyali nokwisa.

¹⁹¹ Lolesheni kufitunshi tunshi nefintu nefintu ifiletwala ifi ifyabufi mumutande. Kukesa inshita, Ndesobela, ukutila abantu bakaba fye umupwilapo, abapena umupwilapo, efyo isonde likaba. Baibele ilanda pafintu ifyakutinya nganshi nga fintu balangisha mubunkolanya ileelo, pamani ayafinama ayanshita shakale nganshi ifyaikele mwisonde pamyaka amakana ayengi naba milioni ba myaka, yatota nokwisa kuli bamo...Ico cintu fye icinono, kuli ico icili nokucitika ilyo imbo yaisulwa kabili ciwa aisafuma nefintu fyakwe fyonse ifyakupapusha, pa banakashi...nangu makanta nemishishi kwati banakashi, nameno kwati ninkalamo. Mulandu nshi, icalo cikaba mukupwilika, icapena ukupwilapo. Tacaba lelo kushelofye digri imo ukuti cibe ifyo nomba.

¹⁹² Oh, kubukata bwakwa Lesa, pa Kwisa kwa kwa Shikulu Yesu, pamulandu wa Mupashi wa Mushilo, uwakwishiba, ku

Kubapo ukwa mweo ukwakwa Lesa wamweo!

¹⁹³ Yesu atile, muli Marko Washila palya, Atile, “Mu bushiku bulya Umwana wa muntu akasokololwa.” Nomba, ibukisheni, te Mwana wakwa Lesa. Ena aishile mu mashina yatatu aya mwana: u Mwana wa muntu, u Mwana wakwa Lesa, u Mwana wakwa Davidi. Ilyo Aali pesonde, Aishile ngo Mwana wa muntu, Aali ni kasesema. Umwana wa muntu ni kasesema. Yehova Umwine aatile bakasesema, Yeremia na bena, “Umwana wa muntu, cinshi ico iwe wamona?” Yesu aishile, pantu Aishile umwabela Amalemba, ngo Mwana wa muntu. Mose atile, “Shikulu Lesa wenu akemya Kasesema, uwapalana na ine.” Kabili Alingile ukuba kasesema, Umwana wa muntu.

¹⁹⁴ Lelo panuma yamfwa Yakwe, ukushikwa, nokubuka, nomba Ena aba Mwana wakwa Lesa, uwakupapusha, Mupashi wa Mushilo.

¹⁹⁵ Lelo Alilaile, lintu fye ukwisa kwanshita yampela takulabako, ukutila isonde likaba nga fintu cali mu Sodomu, ilyo u Muntu aishile ika mumibele yabuntu; bali batatu, ba Malaika babili na Lesa Umwine. Ulya ali ni Lesa. Baibele ilanda ukutila eflyo cali. Nomba Aishileika kabili Aliilangishe Umwine kulya, pakupilibula inuma Yakwe kwi—kwi tenti umo Sara aali, nokweba Abrahamu ifyo Sara aletontokanya mwi tenti. Bushe ico nacilungama? Nomba, Yesu Umwine atile, “Pa bushiku ilyo Mwana wa muntu alesokololwa,” mu masiwi yambi, “Umwana wa muntu, bukapyunga bwakwa Yesu Kristu Umwine.”

¹⁹⁶ Chalichi cikapita mukulungamikwa, ukupitila muli Luther; ukupitila mukusangululwa, ukupitila muli Wesley; ukupitila mulubatishe lwa Mupashi wa Mushilo, naba Pentecosti; nokuya fye mukati kakupwililika kwa Mwana wa muntu, ilyo Umulume no Mukashi bakaba abantu bamo bene. Lesa akalangishiwa nganshi muli Nabwina Wakwe, Chalichi Cakwe, mpaka bonse babili bakaba cimo cine. Bena baba umo. Nomba mwamona apo tubelele.

¹⁹⁷ Mwilaikatilila kuli shilye ntambi ne fisumino. Bali fye bwino mubushiku bwabo, lelo iluba lyalibalula kukubalula nomba. Yena ni nshita yalubuto. Ico nacilungama.

¹⁹⁸ Yesu alilaile ifi fintu. Nomba lintu twamona Lesa apanga ubulayo Bwakwe ukwikala ku cinsu cesu, nokumona ukuti cili muli ifwe, kabili no Mupashi Wakwe uleikala muli ifwe; ilya e nshila fye yeka iyakupepelamo, incende fye yeka iyakupepelamo, inshila fye imo iyacine iyo mwinga shinshimwinamo, “Pantu takuli ukusekwa kuli abo abali muli Kristu Yesu.” Lesa alipangile ubulayo. Yesu atile, “Ifintu ifyo Neita, na imwe mukacita,” kabili ifyo Ena akacita mubushiku bwakulekelesha. Ifyo caisa pita muno munkulo, tekubuta nangu akasuba, cingaba i—i kwati ninshita yafita, lelo atile, “Inshita ya cungulo bushiku, kukaba Ulubuuto.”

199 Akasuba katulila ku kabanga nokuwila kumboshi. Akasuba kamo kene katula kukabanga kawila kumboshi, ukutumpuluka kwalyenda pamo na kena. Kaendele pancende shitatu ishamenshi, imisango itatu iyalubatisho. Oh, ee, ukufuma ku Asia, ukwingila mu Europe; ukufuma ku Europe, ukwingila mu England; kabili ukufuma ku England, ukwingila mu United States.

200 Kabili nomba natubwelafye nakabili, kabili natwikala muno cungulo kasuba, ku West Coast, uko icakucinga icalubembu icamaka yonse yatulama muno. Ubu bunkolanya necitunshi tunshi, na baume ukulatomona abanakashi palya, nokubika sumu mumamano yabakashana abanono.

201 Bushe mwalishiba ukutila umwaume onse uwatomona umwanakashi aliba uwashingamwa ukumupa? Cena cicitwa cakupanga icupo. Mucine, eflyo caba. Ee, mukwai. Cena ni cinshi? Cena cilundwa ca mwaume mu milomo ya mwaume, kabili ne filundwa fya mwanakashi. Lintu ifipandwa fya mwaume ne fya mwanakashi fyaisa pamo, cena kukumana ukupanga icupo.

202 Lolesheni pali Hollywood, lolesheni pa bakashana abanono abalambalele pano muncende sha kutushishamo, nabaume baleshinguluka pali balya abakashana, nefintu ifyaba ngeflyo, kabili baleimba namumabumba yabakemba. Kabili aba ba Elvis Presley, kabili nafimbipo, abo twakwata ileElo, cena camusebanya kwi shina lya America, kuco ifikolwe fyesu fyalwishishe nokusumya umulopa nokufwilopo.

203 Lelo inshita ileisa ilyo ubufumu bonse bufwile bwafumapo, pantu kwaliba Ubufumu bwakwa Lesa ubwapangwa mu mutima wa muntu, ukupitila mulubatisho lwa Mupashi wa Mushilo no Kubapo kwakwa Yesu Kristu. Kabili Kristu akesa kuli Nabwinda Wakwe kabili akabika Ubufumu pano pe sonde, ubo ubushakatale shibantukila. Mwingila shani muli ubu Bufumu? Mufyalwa muli bwena. Kuti waishiba shani ico? Iwe twalililapofye. . .Kuti waba shani mubufumu kabili ukukana suminishanya ne mfumu? Mwamona, imwe kuti mwaba. . . Kabili Imfumu e Cebo. “Mukutendeka kwali Cebo, kabili Cebo ali pamo na Lesa, kabili Cebo ali ni Lesa. Kabili i Cebo caishileba umubili nokwikala pakati kesu. Umo wine mailo, ileelo, no muyayaya.”

204 Musango nshi baishibilemo ukuti Ali Mwana wa muntu? Ena kuti alolesha kunge kulya pebumba nokwiluka ifyo baletontankanyapo. Ifwe twalishiba ukuti ico cishinka. Ena aba cimo cine ileelo. Bushe namucetekela ico?

205 Bushe Billy napela ifitupa fyakupepelwapo? Ico eco Nacilaba ukumwipusha. Bushe napela ifitupa fyakupepelwapo? [Ulukuta lwatila, “Ee.”—Kale.] Napela ifitupa fyakupepelwapo. Cisuma.

²⁰⁶ Nalakweba. Nga naukwata icicetekelo icalinga, Ninkwata icitetekelo ukucetekela ukutula Lesa, Uyo wapele ubulayo, kuti aishininkisha Umwine ukuba Lesa pano pene, ukwabula umuntu nangu umu ukwisa kuli ici cintamba. Ndeumfwa ukubulapo ulutampulo lumo, pamulandu wabulayo bwa Cebo cakwa Lesa uwamweo. Lolesheni kuno, lekeni mulangishe icintu cimo. Aya maka ayaleta ku mweo, ifwe tuli nokuyabomfya Yena. Lekeni mulangishe. Nibanga abacetekela ukutula mwalikwata yalya maka ayaleta ku mweo? [Ulukuta lwatila, “Ameni.”—Kale.] Ukuba, cinshi icilecitika namaboko yenu pabalwele?

²⁰⁷ Ilyo balya basambi bapokelele amaka ayapela umweo pali bena, pa Bushiku bwa Pentecosti, ni cinshi ico bacitile? Bafumine panse nokubika amaboko pabalwele, kabili baishile undapwa. Yesu atile, muli Marko 16, “Cikatwalilila mpaka kumpela yesonde.” Ukufika lilali, ku nshita ya batumwa? “Kabiyeni mwisonde lyonse, kashimikileni i Mbila nsuma ku cibumbwa conse. Ifi fishibilo fikakonka abo abacetekela; nga babika indupi shabo pa balwele, bakondapwa.” Yalya e maka ayaleta ku mweo nga filya cali pa mafupa yakwa Eliya, amafupa yakwa Elisha. Kabili amaka yamo yene ayapelo mweo yali pabamushilo ayo yababushishe. Nga yalya maka yamo yene ayapelo mweo yali muli ifwe, bikeni indupi shenu pabalwele, bena bali nokundapwa.

²⁰⁸ Nalimona pano, Nabafye mupepi nokuleka ukukwata ukulingulula, nakabili, mbikafye amaboko yandi pabalwele. Ndamona ilyo, owe, ifintu efyo Nshatalile. . . Nshalefika nakuli umu umuntu muli batatu, ukuba. Muli iyi nshila Nafika kubantu abengi ukucita ifyo Natalile fikako. Kabili Ndasanga ifyawamishapo ificitia, pakuibika fye nemwine mumaboko yakwa Lesa, nokutula, “Shikulu Lesa, Imwe mwalilaya ico. Cena bulayo Bwenu; cena te bwandi, cena Cenu, kabili Mwalilaya ukutula Muli nokucita ico. Kabili Nali Mumona ukucita ico. Kabili Nalacetekela ukutula Muli nokucita ico, pantu Nalibatishiwa mu Mubili Wenu, kabili no Mupashi Wenu pano ukulangisha ukutula ico e Cine.” Ameni. Iyo e ncende yakupepelamo. Lyena mulesa muncende ukutula, “ifintu fyonse filacitwa.” Lyena mwaingila muncende iyo iyobe—iyobe imicitile nefyo waimininapo, pafyakucita fyobe, fyaba bwino bwino mu bufwayo bwakwa Lesa. Kabili lintu wabika amaboko yobe palya nokucetekela cena, cena cili nokucitika. Bushe mulecetekela ico?

²⁰⁹ Ndecetekela, ilyo icitupa cakupepelwapo cimo tacilaitwa, nangu icintu icili conse icashala, ukutula Lesa Wamaka yonse kuti anjeba ifyo imwe mukwete kunse kulya, kabili ifyo mulingile ukucita, kabili ifyo tamwalingile ukucita. Ico kubula icakwimininapo, nacilungama, Ninjishiba ukutula ico nacilungama, lelo ico cili bwino bwino fye Lesa eco alefwaya ifwe ukucita. Bushe mulecetekela ico? [Ulukuta

lwatila, “Ameni.”—Kale.] Ni banga abalecetekela cena nga cakuti Lesa kuti acicita? [“Ameni!”]

²¹⁰ Takuli umuntu nangu umo uwikele kuntanshi yandi uo Njishibe, uo Ningatontokanyapo, nangu ukumona umuntu onse uo Naishiba mucine. Nibanga banjishiba, kuno lubali, bonse tuli beni, imyeni amaboko yenu. Ukwishiba ukutula Nshishibepo nangu cimo palwa imwe, imyeni amaboko yenu. Ukuli konse mwibumba, namwishiba ukutula Nshishibepo nangu cimo palwa imwe. Ndemona cena cili kkonse konse, ukucilapo pamulu muno. Nomba limbi abantu bambi fye. . . Nshabeshiba. Bena tabaleimya fye amaboko yabo, lelo Nsha—Nsha—Nshabeshiba, nangu cibe fyo. Ndecetekela Ndemona Richard Blair uwikele muno mwine. Ndecetekela ico nacilungama. Nde. . . Napafita panshi pano. Kuli inyali kuli *iyi* nshila. Nshilemona.

²¹¹ Lelo lolesheni kuno, Ndeesha ukumweba, ukutula, ilyo yalya maka ayaleta ku mweo yaisa muli imwe, cena ni Yesu Kristu. Ilyo Yesu abikile indupi Shakwe pabalwele, bena baishile undapwa.

²¹² Ilyo Yesu akwete amaka ayaleta ku mweo kukuleta ku mweo Ena, ngo Muntu, Ena alelolesha nokulanda amatontokanyo ayali pabantu, ukubeba ifyo baletontokanyapo, ifyo bacitile. Inuma Yakwe naipilibukila kuli bena, ukubeba icintu cimo cine, “Mulandu nshi mulelingulwila mumitima yenu?” Umwanakashi akumishe umwingila Wakwe, Atile, “Nani uwa Nkumya?” Aloleshe mumbali nokumusanga, kabili atile, “Nimona amaka nayafufuma muli Ine. Icicetekelo cobe na cikulenga ukundapwa.” Ulya ni Yesu Kristu. Ico cileshininkisha ukutula uko Chalichi cili, kabili ifyo amaka aya cine ayapelo mweo ayakwa Lesa yacita ku muntu. Bushe mulecetekela ico?

Natukontamike imitwe yesu pakashita fye.

²¹³ Mwe Lesa watemwikwa, ifwe twacikwata ubulwi na Satana muno cungulo kasuba, pali ifi fyakulandilamo, ukwishiba ukutula balya abantu nalimo tabacumfwa citika uwa cena, ukulapanga icongo ukushinguluka pa i. . . mucikulwa nga filya. Lelo Napepa, mwe Lesa, ukuti Mupashi wa Mushilo alabula ifyo cacipilibula ukuba, Shikulu, ukuleka abantu ukumona ukutula tatuli ibumba lyafwa ilitila nga cingaba. Lesa, ifwe tuli aba mweo nomba, ukuletwa ku mweo ku maka ayakubuka kwa kwa Kristu. Yesu Kristu ekala muli ifwe. Twalicetekela ico, Shikulu.

²¹⁴ Ifwe tatuitunga ubukata bwesu fwebene. Kwati nipa Lupili lwa Sansama, uko cila umu muli ifwe aimininwako kulya; kwali Mose, uyo uwafwile no kubuka nakabili; kulya kwali Eliya, aba mushilo abaletwa kumweo abo abakekatwa pabushiku bwakulekelesha. Oh, balimwene lyena, ilyo baloleshe kunuma, bamwene Yesu eka. Twalishiba, Shikulu, ukutula tatulefwaya abantu ukutumona. Tatuli muno kuli ilyo ipange. Cibe ukutali!

²¹⁵ Lelo, Shikulu, cena cilasekesha imitima yesu ilyo tulemona Yesu ukucindamikwa pakati kesu; ilyo twamona

Ena ukucindamikwa, ilyo twamona i Cebo Cakwe, ico Ena aba i Cebo; ilyo twamona ukuti kuti twacibelenga muno muli Baibele, uko Alaile ukuti Akacicita, lyena ukumona Ena ukubomba cena mukati fye kesu, O mwe Lesa, ifyo cena cilenga ifwe ukumfwa abapetama, ukutila ifwe twalishiba ukutila Ukubapo Kwakwe ukwa mweo. . . .

216 Ifwe tatwailunda ku cintu nangu cimo nangu ukulanshanya apabula akantu. Ifwe tucetekela fye, Shikulu, ku Mweo wa Muyayaya. Kabili Imwe mwalitukakatike mulya ku lubatisho lwa Mupashi wa Mushilo, no kupelo mweo imibili yesu, no kuleta ku mweo mipashi yesu, no kutulenga aba mweo lyena ukumona ifimona, no kusesema, no kulandila mu ndimi, ukumona ifishibilo ifikalamba ne fipapwa ukucitika. Mulandu nshi, ni Lesa uwa mweo. Tuli muli ulyo Mubili. Ilyo, ku calo, buwelewele kuli abo abaleonaika; lelo kuli ifwe fwebacetekela, yena maka yakwa Lesa, ku Mweo wa Muyayaya. Tule Mutotela pali cena, Taata.

217 Nomba lekeni cishibikwe buno bushiku, Shikulu, ukutila Imwe muli Lesa, ukutila Tamwatala pilibula amano Yenu palwa Cebo cimo ico Mwatalile landa. Kabili Mwaba cimo cine maillo, ileelo, no muyayaya, kabili umo—umo kabili Inshila fye imo iyo Lesa apela. Umuntu fye eka uo Lesa atalile bikako i Shina Lyakwe, ali Mwana Wakwe Umwine Uyo wasendele i Shina Lyakwe, Yesu; Lesa, Yehova, Kapususha, Emanuele, Iciibi kwicinka lya mpaanga; Uyo Wali, Uyo Uli, kabili Uyo Ukesa; u Mushila kabili u Bufyashi, bonse babili Umushila kabili u Mwana wakwa Davidi; u Lutanda lwa Lucelo, Itunda lya mu Mupokapoka. O mwe Lesa, ifyo cawama! E mulandu wine Esaya atila, “Mpanda mano, Cilolo wa Mutende, Lesa wamaka yonse, Wishi wanshita pe.” Oh, tatwakwata Taata umbi kano Imwe, Shikulu. Nimwe Taata wesu. Nimwe Mayo wesu. Imwe mwaba fyonse ifyo twaba, fyonse ifyo twingatalaba. Ifwe tatwakamone icintu cimbi kano Yesu ukucindamikwa!

218 Taata, Ine limbi nacipanga umubusu ukufuma muli ici, muno cungulo kasuba, lelo sendeni amatontonkkanyo yamutima wandi, nokungumfwa, mwebatemwikwa Lesa. Kabili lekeni cilandwe, buno bushiku, ukutila Yesu Kristu alicindamikwe muno mwine muli ili tempile. Peleni cena, Taata, pantu twalombela cena mwi Shina Lyakwe, kabili ilyo mukuicefya Ndelolela neli bumba, ukumona Imwe ukwenda no Mupashi Wenu. Amenii.

219 Nomba Ndefwaya mucite ici cintu cimo kuli ine. Ndefwaya ukumipusha ilipusho limo ilyakatina. Ndefwaya mungasue kwati enshita yakupeleleshako iyo mwingasuka uuli onse mumweo wenu. Bushe mulecetekela ukutila cena Cishinka? Bushe mulecetekela takwaba chalichi nangu icilonganino icingeshibikwa mu Kubapo kwakwa Lesa? Bushe mulecetekela

ico? Takwabako nangu cimo. Kano fye abo abafyalwa muli Yesu Kristu, basenda i Shina Lyakwe! Ico nacilungama.

²²⁰ Iwe ulasenda i Shina Lyakwe lintu wafyalwa mulya, tekulubatiso lwa mumenshi. Nangula kuti mwabatishiwa mwi Shina Lyakwe, lelo cilya tacisenda i Shina Lyakwe. Usenda i Shina Lyakwe mukufyalwa, te kumenshi. Mwamona, imwe mulabatishiwa mwi Shina lyakwa Yesu Kristu, ee, mukwai, mwisenge; lelo mubatishiwa na Mupashi wa Mushilo, muli Yesu Kristu. Eico kuti mwabatishiwa imiku umwanda umo, inshila yonse mwalefwaya, inshila imbi, tekuti cipange ubupusano. Lelo lintu iwe panshita imo wabatishiwa na Mupashi wa Mushilo, mu Mubili wakwa Kristu, ulesa mukuba umwana mwaume nangu umwana mwanakashi wakwa Lesa, kabili, “I Cebo conse ca cine!” Kabili, nomba, Acitile ico kuli ulya mulimo.

²²¹ Nga fintu Nalandile ubushiku bumbi, ilyo Lesa aendele nokubika akasuba pe sonde, Alishibe ukutila tulya utuncindu nefintu fyonse fyali pesamba lya lilye sonde. Ena . . . Fyena fyali iciputulwa ce sonde pali iya nshita, eflyo naimwe mwali.

²²² Kabili ilyo Aimishe Umwana wakwa Lesa, pe Pasaka ulucelo, nokutuma Mupashi wa Mushilo, cali kuletwa kumweo, pamo, lulya lubuto lwa Mweo wa Muyayaya, ukutila Aishibile kabela ilyo umufula wesonde taulalengwa, abo abali nokuba muno. Alishibe ukuti ici icisoselo cili nokucita umusango cicitilemo cino cungulo bushiku. Alishibe ukutila ukli nokukwata imibele iyo ukwete. Alishiba fyonse. Imwe tekuti mwelenganye cena na mano yenu, imwe mulingile fye ukusumina cena. Lelo, lekeni nande ici cintu cimo, ulya Lesa umo wine uwiminine pano, muno cungulo kasuba, mu bantu Bakwe.

²²³ Nga cakutila muli ba Methodisti, ba Baptisti, ba Pentecosti, fyonse ifyo mwingaba, mwikasubila mukabungwe kamo. Pantu, teti babe akabungwe . . . Cipangwa na masambilisho ayengi ayapusana pusana. Cena capangwa ne bum- . . . Iwe ufwile ukuba umuntu umo, kuli Lesa. Ulingile ukuba umuntu umo. Lesa abombela muli iwe, te muchalichi cenu. Muli nokwikala umweo uwalinga muchalichi cenu nangu ulukuta uko muleshinshimunapo, imwe mulingile ukwikala umweo wa musango uo mulingile ukuba. Lelo mulemona, balalenga ifisumino, kabili nafimbipo, ifyo teti mwingile muminshi yabo nga tamucetekele ico. E ico Lesa kuti aisamo shani mulya, ilyo i Cebo Cakwe lyonse cilelangishiwa?

²²⁴ Musango nshi Luther aishibe palwa ulu lubatiso kabili—kabili ukubwekesha kwa Mupashi, ilyo ena ali kunuma muli bulya bushiku? Icimuti tacakulile nga filya. Nangula Wesley alicishibe. Kabili nangula ba Pentecosti tabaishiba ico cilecitika ileelo. Icintu cimo cine, cilakula nokutaluka nganshi ukufuma

kuli imwe. Ico nacilungama. Cena calikwata munkulo yonse, kabili cena lyonse cili nokucita.

225 Kabili kuti Nashininkisha, kuli Baibele, ukutla iyi ninshita ya ngano. Ibukisheni, panuma ya uku kupuputulwa ukukalamba... Takwatala akubapo akabungwe na kambi ukwima ukufuma pali ba Pentecosti. Tekuti kube. Kufuma kucipapa ukuya kungano, kabili takwaba nangu cimo lelo uluseke. Ulya e mulandu wine. Imyaka ikumi limo na isano... Ilingi line, imyaka itatu, kabili balikwata akabungwe aka kupuputulwa ukuli konse. Ipusheni kalemba we lyashi lyakale uuli onse. Lelo takwaba akabungwe panuma ya Ici. Bena baeseshe ukwimya Imfula ya bushiku Bwakulekelesha, lelo mulemona ico cacitike kuli yena. Yena tekuti. Yena ni ngano nombamba. Ee, mukwai. Takuli nakabili ifyakusendelamo. Lwena lubuto lwine lwine lwine. Kristu ali pakati ka bantu Bakwe. Bushe namucetekela ico?

226 Katutendekele ukufuma *apa* lubali, pesamba. Tekuti mfike mulya, ukumona ukutla muli abengi nganshi muli imwe. Nibanga aba nsetekela ukuba umubomfi Wakwe? Kwateni icicetekelo muli Lesa! Nibanga *kuno* abacetekela ukutla umusango umo wine, tileni, "Nincicetekela nomutima wandi onse"? Nombamba lekeni Shikulu Lesa apele ici kuli ifwe, pakutla mwingamona amaka ayaleta ku mweo. Cena cintu cimo, icishininkisho icikankala, ico cileshininkisha cena.

227 Ee, umo muntu kuti atila, "Oh, *ici* ni Cilya, *ici*, *cilya*." Lelo lekeni cena cibombe.

228 Nombamba, cena cintu icishingacitwa kuli ine ukwishiba icintu icili conse palwa imwe. Mwalishiba ico. Nshishibe lelo umuntu umo, kuti Namulolesha, kabili ulya ni Reverend Blair uwikele kunge kulya, ukufuma kulya kunuma kukabanga, Ndecetekela ku Arkansas nangu ku cifulo cimo kunuma kulya. Ulya e umo fye mwi bumba, uo Ndemona uo Naishiba. Kabili Lesa naishiba ukutla ico cishinka. Eico cena cifwile ukuba icintu cimo ico... .

229 Uo namona apa, uyu namayo umunono uwikele kumpela kulya, nakwata ubwafya bwa bumupashi ubo ulepepelapo. Bushe naucetekela ukutla Lesa ali nokulungamika bulya ubwafya bwa bumupashi kuli iwe, no kucilungamika? Cisuma, iwe kuti mwacikwata.

230 Bika ukuboko kobe pali umbi namayo uwikele mupepi na iwe, pantu nakwata ubwafya bwa mumala ubo alepepelapo, nao. Ee. Ico nacilungama, nkashi? Imyako amaboko yobe pa muulu nga cakutla ico ca cine. Nshakwishiba, nshatala nkumonapo mumweo wandi. Abakashana babili abafita.

231 Nombamba, cinshi ico? Bushe ico te filya fine fye nge fyo Alandile ukutla Ena akacita? Filya fine fye.

232 Uyu apa namayo ekele, alelolesha ukutonta fye ukupita umu; uwikele, alelolesha kuli ine. Ena nakwata ubwafya bwa mutima.

Bushe naucetekela ukutula Lesa alondapa ubwafya bwa mutima? Iwe wacikala palya ulepepa, “Ine kuti Nafwaya ukufika kulya.” Bushe ico nacilungama? Sunsha ukuboko kobe nga *ifi*, cena nacilungama. Nacishiba shani ifyo wacilalanda mwipepo lyobe?

Mwamona, cetekeleni fye. Ico fye ceka eco mulingile ukucita, kucetekela.

²³³ Apa pekele namayo pano pene uyo uulefwa nomba line nga cakutula ena tondepwe. Nakwata ipwalonda. Bushe ulecetekela ukutula Lesa alondapa ipwalonda? Ee. Ulecetekela ico? Iwe, waciba uwakukana endesha pakwimya ukuboko kobe, naucetekela ukuti Lesa kuti anjeba ishina lyobe? Missisi Gunn. Nomba, nga cakuti ico nacilungama, sunsha ukuboko kobe nga *filya*, mwamona. Cisuma. Kabiye ku ng’anda, Yesu Kristu alakulenga ukundapwa.

“Nga kuti wacetekela, ifintu fyonse kuti fyacitwa.”

²³⁴ Cacuma uyu namayo ekele palya uufwele akasote kafiita, alendolesha. Naena nakwata ipwalonda. Bushe ulecetekela Lesa alakundapa? Bushe ulecetekela no mutima obe onse? Ndelanda kuli Misisi Miller. Bushe mulecetekela ico? Nshamwishiba umwanakashi, nshatala mumonapo mu mweo wandi, kabili Lesa mu Muulu naishiba ukutula ico nacilungama. Ameni.

“Nga kuti wacetekela!”

²³⁵ Uyu apa umwanakashi uwafita uwikele apa pene pa mpela, nakonteka umutwe wakwe. Ena alesoma, ena alesoma palwa mutemwikwa umo muntu uo alepepela. Aishile, mucine, ku kupepa. . . ukumupepelako. Iyo tali pano, mulume wakwe. Ico nacilungama. Ena. . . Tali pano. Ali ku ng’anda. Ena alibombelwe, bushe tabamubombele? Ico nacilungama. Ena alecushiwa no bwafya bwakushinka imyona, kabili nafimbipo. Ico nacilungama, bushe tacili? Ali nokuba fye bwino. Icicetekelo cobe caciba icakosa kuli ico. Bushe ulecetekela ukutula cilya cili nokuba icishinka? Ameni.

²³⁶ Bushe tamulemona ukutula Yesu Kristu aba cimo cine mailo, ileelo, no muyayaya? Ipusheni abo bantu. Cena cacipita mwibumba. Bushe mulecetekela ukutula Ena ali muno? Bushe muleumfwa yalya maka ayaleta ku mweo muli imwe? Ukuba, uyo e Lesa uumulenga ukundapwa, ba cibusa. Bushe namucetekela ico?

²³⁷ Nomba mwalacita icintu cimo kuli ine? Pantu, nibanga muno abalwele, lekeni tumumone imwe ukwimya ukuboko kwenu. Nomba cileya kuli faifi koloko. Bikeni indupi shenu pali umo no mubiye, kabili lekeni fye. . . Mwilanda ishiwi nomba, bikeni fye indupi shenu pali umo—umo no mubiye. Ndefwaya imwe ukucita icintu cimo.

²³⁸ Tutile, umwaume uwikele kunuma uko, nakwata cilya cimumena panuma yakwe. Bushe ulecetekela ukutula

Lesa alafumyapo cilya cimumena ukukufumya panuma yobe, mukwai? Bushe ulecetekela ukutula Lesa alakulenga ukundapwa? Umulumendo, alendolesha, kabili atontonkenye ukuti ena ali nokupitwa. Imya ukuboko kobe, mukwai. Ico nacilungama. Ulecetekela nomutima obe onse, Lesa ali no kucifumyapo pali iwe.

²³⁹ Alleluya! Ndebecanya neli ibumba lyonse, mwi Shina lyakwa Yesu Kristu! Nga kuti mwacita, nga . . . Kampingu wenu, mwileka cena ciciswe nokukana cetekela, mwileka cena cumfwe ububi. Bushe tamulemona Umwana wa muntu, Umwana wa muntu mu musango wa Mbila ya busesemo, ukubwekela nakabili mu Chalichi Cakwe, mubusesemo, ukusokolola Yesu Kristu cimo cine mailo, ileelo, no muyayaya? Cena tacatala acicitwapo ukupita mu nkulo, mpaka ino nshita. Mwamona? Ico ecakushininkisha ica ico.

²⁴⁰ Chalichi ni cinshi? Musango nshi mwingila muli Cena? Ilyo muli mulya, ifintu fyonse ifyo Yesu Kristu ali, imwe muli, nangula ukuba umwana mwaume no mwana mwanakashi wakwa Lesa. Aishileba imwe pakutula imwe mwingaba Ena.

²⁴¹ Icintu ca cena ni ici, muletina ukucibomfya, nangu limbi tamuleampana ne Cebo Cakwe. Nomba, ico tekuti cicite icisuma nangu cimo, kabili Ine—Ine nshilesakamana ifyo ulecita. Nga cakutula tawishile mukupwililika muli cilya i Cebo, cena tekuti cibombe. Nani uwinga njebaula pa cintu cimo ico Alandile nokulaya muli buno bushiku, ico tacacitike? Nomba mwiposa icilonganino cenu pali ine, pantu teti cibombe.

²⁴² Alleluya! Ndeumfwa, Ninjishiba ukutula Ena ali muno. Ndi uwashininkisha ukutula Ena ali muno. Ninjishiba ukutula nomba kuliko amaka ayaleta ku mweo ayalinga mu Chalichi kukundapa umuntu onse uyo wikele muno. Bushe kuti mwacitetekela? Ukuba, nomba, kuti mwacita ico?

²⁴³ Bushe mwalicetekela mukupepela abalwele? Bushe mulecetekela ukutula Yesu atile, “Bakabika indupi shabo pabalwele, kabili bakaba abatuntulu”? Cisuma, bikeni indupi shenu pali umo nomubiye nomba. Mwiipepela mwebene. Pepeleni umuntu umbi. Bale mupepelako. Nomba mu mutalalila nakatina.

²⁴⁴ Shikulu, ifyo Namutotela Imwe, kuti mwaiminina pano pali ici cintamba kabili—kabili ukushimikila i Cebo ico cintu capusana nganshi ku kutontonkanya kwa bantu ileelo, mpaka bena kuti ba Ciita “ici icabufi,” bena kuti baita Cena “bumupashi,” bena kuti baita Cena “imipashi ya kowela,” nga filya bacitile, ilyo, “Belesebuli.” Lelo ukumona Imwe mukati fye ka ili bumba likalamba, muno cungulo, pilibuleni no kushininkisha no kushininkisha no kushininkisha filya fine ifyo fyashimikilwa, ukutula Cena Cine.

²⁴⁵ Lesa, aba bantu Benu. Ciwa—ciwa acesha ukonaula ifisoselo, ena acesha ukufulunganya amatontonkanyo ya bantu, ena acesha ukubalesha ukumfwa Ici. Lelo Nincetekela ukutila bala Cumfwa, nangu cingaba ifyo, Shikulu. Nabalombelako uku Cumfwa. Nabalombelako uku Cipokelela. Peleni, Shikulu, aba bacetekela, na maka ayapelo mweo, ukutila ilyo bena. . . nga bena tabakabe nomweo ukumona Ukwisa Kwenyu, yalya maka ayaleta ku mweo yali no kubemya pa nshiku sha kulekelesha.

²⁴⁶ Peleni fye nomba ukutila yalya maka ayaleta ku mweo yakaleta ku mweo icicetekelo cabo, Shikulu, kufyo bena balecita. Kuli uwacetekela uubikile amaboko pa wacetekela, umubili ku mubili, amaka ku maka. Kabili yena maka yakwa Lesa, ukupitila mu mwana mwaume wakwa Lesa nangu umwana mwanakashi wakwa Lesa, ukupitila mu Mwana wakwa Lesa. O mwe Lesa, lekeni Satana alekeleko aba bantu! Lekeni bondapwe muno cungulo, kukubuka, amaka ayaleta ku mweo aya Kubapo ukulangishiwa, Yesu Kristu. Mwi Shina lyakwa Yesu Kristu, lekeni cibe fyo!

²⁴⁷ Amaboko yenu pa bantu na mukwata amaka ayaleta ku mweo muli bena, nga imwe mwaletwa ku mweo. Bushe na mufika ku Mweo? Bushe Kristu aba umutuntulu kuli imwe? Bushe amaka yakwa Lesa na yasokololwa? Bushe muli cilya Chalichi, Chalichi capelwa na Lesa? Musango nshi imwe muli Cena, musango nshi mwishibilamo ukutila namulengwa ukuba abamweo muli Cena? Amatontonkanyo yenu yonse, ubuntu bwenu bonse, buli muli Kristu nomba. Kabili Kristu ali pakati ka bantu, ukuishininkisha Umwine uwa mweo, ukushininkisha ukutila Ena ali muno mu nshiku sha Sodomu.

²⁴⁸ Namaboko ya abo abantu, abo imyeo ipilibwike ukufuma muli bakenda bapamisebo, ukufuma kuli bacakolwa, ukufuma kuli bacilende mu musebo, ukuba abamushilo abacine abakwa Lesa, abamweo. Amaboko yabo yali pali imwe. Bena bali mu Chalichi, ukupitila mulubatisho lwa Mupashi wa Mushilo, amaka yamo yene ayali pamafupa yakwa Eliya. Yalya maka yamo yene yali pa kubeya kwenu, pa ndupi shenu, pa mitwe yenu, yalya maka yamo yene ayapelo mweo; pamo Nankwe naiminina pano ukushininkisha ukutila Ena ali uwa mweo ukufuma ku bafwa, ukulangisha Umwine ukutila Ena wa mweo, pano nomba ukucita ifintu fimo fine ifyo Ena acitile nokushininkisha ukutila Cena Cine. Ameni!

²⁴⁹ Bushe kuti mwa Mucetekela nomba? Kutu mwacetekela ukutila yalya amaboko ayabikilwe pali imwe yabulesa, kutu mwacetekela ukuti Umupashi uuletupela umweo nomba, ukutulenga ifwe ukuba abafulungana kwisonde, bushe mulecetekela yalya maka Yakwe ayapelo mweo? Bushe mulecetekela ukutila muli mu Chalichi Cakwe? Kanshi, nga namucetekela, nokucetekela ukutila yalya maboko ayabikilwe pali imwe maboko ayamushilo, ayaebelwe na

Lesa; lyena Ndemukonkomesha, mwi Shina lyakwa Yesu Kristu, ukwiminina pamakasa yenu nokupokelela ubundapishi bwenu, umuntu onse uwalwala.

Oh we mwina Kristu, bushe nawiluka icicitike?

²⁵⁰ Bushe namwiluka, mulya mumusebo kulya kuli ba milioni ababantu abaleenda mumisebo, ileelo, ukutila tacili nangu cimo lelo fyakulya fyama bomba? Bushe muleiluka ukutila balya bantu balifwila mulubembu namampulu, kabili imyeo yalifita; mumachalichi monse, kumulemfwe unono nangu icintu cimo icapala ngokusunga icintu cimo, nokuciita bukapepa?


²⁵¹ Bushe namwiluka ukutila imwe mwalibuka ukufuma mumfwa ukwingila mu Mweo, kabili alibatishiwa mu Mubili wakwa Lesa uwa mweo uyo waleta ku mweo imibili yenu, uko kuli ukulandila mundimi nokwilula indimi, ukumona Yesu Kristu ukumonekela pakati kesu? Mulandu nshi, ubulwele tekuti bwiminine mwibumba ilyaba nga ifi. Leka icicetekelo cobe ciye kuli Ena, u Mucetekele! Utile, “Shikulu Lesa, Nincetekela nomutima wandi onse,” kabili walaundapwa.

²⁵² Bushe kuliko ababembu muno abo abengafwaya ukwisa muli ulya Mubili? Imyeni amaboko yenu, nokutila, “Nshatala isa muli Cena, Nshatala isushiwa na Mupashi wa Mushilo, lelo, Munyina Branham, ine mucine Nde Cikabila muno cungulo. Bushe walampepelako?” Imyeniko amaboko yenu. Tamufwile ukuba nensoni, imwe muli mu Kubapo Kwakwe. Loleshenifye amaboko! Lolesheni amaboko!

²⁵³ Nomba cila muntu uyo ulefwaya ulubatisho lwa Mupashi wa Mushilo, imyeni amaboko yenu, konse kuntu muli, abo abale Ufwaya.

²⁵⁴ Nomba imwe mwe bakwete Mupashi wa Mushilo, mwe beminine mupepi na bena, bikeni amaboko yenu aya mushilo, indupi ishasangululwa pali bena. “Ngo Mupashi wa Mushilo, uyo wabushishe Yesu ukufuma ku bafwa, waikala muli imwe, wena ulaleta kumweo imibili yenu iyamfwa, ukufuma kumfwa ukwisa ku Mweo.” Cena cileta umubili onse mukunakila ku Mupashi. Nomba natukontamike imitwe yesu, kabili cila muntu apepele balya bantu abalefwaya ulubatisho lwa Mupashi wa Mushilo. Kabili Ndecetekela ukutila Lesa ali nokwisusha cila umu muli imwe, ino ine nshita, na Mupashi wa Mushilo.

²⁵⁵ Mulandu nshi tulelolola, bacibusu? Muli nokulolela inshita iitali sana, bumo muli ishi nshiku. Ino e ola. Mwikonkanyapo ukulolela. Muli muno mwine muli ili tempile umu mukwete inshita yonse iyabushiku ukwikala nokupepa.

²⁵⁶ Mwe Lesa, Napepa ukutila Mwalatuma Mupashi wa Mushilo nakabili, ngo mwela uwacipupu icikalamba, isusheni ing’anda yonse, panuma ya ici icakwishibikilwako icapwililika pano, muno cungulo kasuba, ukutila Muleikala kabili pamo na bantu. Mwi Shina lyakwa Yesu Kristu. Amen. 

65-0425 Icifulo Cakwa Lesa Icapelwa Icakepelapo
Embassy Hotel
Los Angeles, California U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti Iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org